

36.15.C.18



XII. II. I.

K. 2.

36.15.C.18










SACRÆ CÆSAREÆ

MAIEST. DECLARATIO,

quomodo in negotio Religionis per Imperium usque ad definitionem Concilij generalis viuendum sit, in Comitijs Augustanis .xv. Maij, Anno 1548. proposita, & publicata, & ab omnibus Imperij ordinibus recepta : è Germanica lingua in Latinam, quàm proximè fieri potuit, versa : & ipsius Maiestatis iussu typis excusa, ne aut ipsi propositioni, aut scripto, quod subsequetur, scribentium varietate quidquam possit addi, vel detrahi.

Huic accessit REFORMATIO,
à Cæsarea Maiestate in Declaratione hac promissa.

Cum privilegio Cæsareo Iaspas Genneperus
excudebat Anno M. D. XLVIII.



SACRÆ CÆSARÆ MAIESTA-
tis declaratio, quomodo in negotio Reli-
gionis per Imperium vsq; ad definitio-
nem Concilij generalis viuendū sit,
in Comitij Augustanis .xv. Maij,
Anno. M.D. XLVIII. proposita
ac publicata, & ab omnib. Im-
perij Ordinibus recepta.



Imperatoria Maiestas, Dominus
noster clementissimus, Sacri Im-
perij Electoribus, Principibus,
& Statibus præsentibus, absen-
tiumq; Legatis ac Consiliarijs clemēter ex-
ponit, se ab initio Imperij sui omnē animi
ac consilij vim eò semper intendisse, vt pro-
uidenda sibi ac promouenda esse existima-
ret, quæ cum salute, vtilitate, dignitate, ac
gloria Reipublicæ Christianæ, & præsertim
Sacri Imperij Germanicæ nationis, patriæ
sux charissimæ, coniuncta esse vllō modo vi-
derentur, vt sic demū vniuersi Imperij Ordī-
nes, membra ac subditi, sub Maiestatis ipsius
alis ac felici Imperio, quieti ac concordēs
tranquillam & florentem vitam agerent.
Animaduertit autē sua Maiestas, & perspi-
euis argumentis, ac re etiam ipsa manifeste
deprehendit, nisi rebus Christianè compo-
tis, & perniciosissimo religionis dissidio legi-
timè summo, vnde ortæ suspitiōes, discor-
diæ, bella, odia, oēs Imperij Status magnis

S. C. M. DECLARATIO

hacten⁹ incómodis affecissent, neq; statuēde
 pacis, neq; iuris exercendi, neq; certæ vllius
 tranquillitatis spem aliquā existere. Quam-
 obré annis superioribus omne remediorū ge-
 nus pertentās, varia colloquia, aliasq; tracta-
 tiones instituit: sperans his rationibus noxiā
 hanc dissensionē, vel ad Christianā concilia-
 tionē, vel certē ad sēsum aliquē meliorē ad-
 dūci posse. Verū cū animaduersum esset, dū
 hæc agerentur, huius discordiæ malū eousq;
 progressum, vt non Germanos tantū, sed ple-
 rosq; etiā alios nominis Christiani populos
 cōmuni contagione attactos, iam labes illa
 peruaferit, ideoq; morbū hunc iam ferē com-
 munem nulla ratione præsentius aut effica-
 cius curari ac depelli posse, q̃ Concilij gene-
 ralis & Christiani ordinario salutariq; reme-
 dió, egit Cæsarea Maiestas, efflagitantibus id
 sedulò vniuersis sacri Imperij Ordinibus, ac
 post multas tractationes impetrauit, vt Con-
 cilium generale Tridenti in Germania insti-
 tutū, tandē fuerit atq; inchoatum. Quare sua
 Maiestas horū etiā Comitiorū initio cōmū-
 nes Imperij Status eò induxit, vt vestigia san-
 ctorum Patrum, maiorumq; nostrorū secuti,
 qui in hisce causis laborantis religionis cōsu-
 gissent ad œcumenica Concilia, eisq; semper
 paruissent, ipsi quoque inchoato Tridentino
 Concilio adhererēt, iudicium eius ac defini-
 tionē expectarēt, dicto audiētes essent, eiq; se
 com

IN NEGOTIO RELIG.

cōmunī cōsensione summitterēt: & vt simul Maiestati ipsius cūrā omnē permetterēt rationes excogitandi Christianas & cōmodas, quibus ipsi Imperij Ordines, vsque ad Concilij definitionē, pie, & quiete vivere, nemoq; interea præter ius atq; æquitatē graue aliquid pati posset. Quē omniū Statuū cōsensum, cū in ipsius Concilij obedientiā, tum in negociū alterū curæ ipsius Maiestatis permissum, fateatur Cæsarea Maiestas, se eo tempore grato animo suscepisse, & nunc etiam perlibenter accipere. ¶ Ergo negotiū illud ad se remissum, Cæsarea Maiest. paterno affectu, summa fide ac singulari diligentia perpendēs, omniumq; Ordinū (vt ipsi quoq; probè norunt) rogatis de ea re intellectisq; sententijs, & rerum conditione diligenter perspecta, nō sine magno animi dolore cognouit, natam in Religione discordiam, vim malorū incredibilem inclytæ Germanorū genti hæctenus attulisse, eiq; non minorē inde calamitatē in posterū etiā impendere. Quare si pacem, iustitiā, & cōcordiā statuere & cōseruare velit, si diffidentie malū tollere, quo Status inter se veliementer laborare cœpissent, necessitatē iam extremā atque inenitabilem postulare, ne causā hæc religionis vsque ad progressum & definitionem Concilij, in hac rerum omnium perturbatione & confusione relicta penderet, sed potius ad Christianam aliquam concilia-

S. C. M. DECLARATIO

tionem moderationēq; perducta, in meliore sensu, & concordia publicē magis accommodato collocaretur. Non enim existimabat contrarijs sectisvndiq; erumpentib. amplius dissimulandū esse, aut vllō modo ferendum, vt per ea pax publica impediri deinceps aut perturbari possit. ¶ Hæc ita agenti suæ Maiestati, & nihil in re graui ac difficili aut laboris aut operæ intermittenti, quidam magni nominis & status, egregia animi voluntate, qua pacem publicam & Christianā concordiam prosequuntur, & singulari in patriā charitate permoti, sententiam suam in hoc religionis negotio, quæ hic adiuncta est, opportunē obtulerūt, tradideruntq; diligentius expendendam: simul polliciti, se eam diligēter obseruaturos esse. ¶ Hanc verò cōsultationē sibi oblatā, cūm Cæsarea Maiest. nōnullis Theologis peritia sacrarū literarū, singulari fide atque eruditione præditis executiendam dedisset, ex eorū relatu accepit, eam cōsultationem, si in sensu recto & catholico intelligatur, nostræ veræ & catholicæ religioni, Ecclesiasticæ doctrinæ, statutis & ordinationib. (exceptis tantū duobus articulis, Communionē vtriusq; speciei, & Coniugiū sacerdotum contingentibus) minimē aduersari: sed potius ad promouendam ac consequendam in hoc religionis dissidio cōcordiam, ad pacem in Imperio stabiliēdam, futuram vtilem atq;

IN NEGOTIO RELIG.

atque accommodatam : qualem & nunc sua
Maiestas spectata horum temporum condi-
tione, esse iudicat, vt quæ nihil magis optet,
aut sibi curandum putet,quàm vt videat ali-
quādo vniuersos Imperij Ordines sub ipsius
Maiestatis Imperio in altissima pace degen-
tes,vnius sanctæ Religionis concordī vincu-
lo cōiunctos,quemadmodū ex ratione Impe-
ratoris dignitatis ad se existimat pertinere.

Quare nunc Cæsarea Maiestas à communi
bus Imperij Statibus,qui Ecclesiæ catholicæ
institutiones ac decreta hæctenus summa cū
laude obseruauerunt, clementer requirit, vt
eadem deinceps religiose obseruent,teneātq;
constanter,nec se ab eis auelli vllō modo pa-
tiantur,aut omnino quicq̃ immutent : quod
ipsi se facturos, & perseverāter obseruatu-
ros esse iam antea obtulerūt,ac receperunt. A re-
liquis verò Statibus,qui nouationes induxe-
runt,similiter sua Maiestas clementer, valdè
ac seriò requirit,vt vel ad cōmunes Status ac-
cedentes,in obseruatione constitutionū & ce-
remoniarū Ecclesiæ catholicæ per omnia cū
illis conueniant,vel saltem doctrinam suam
& Ecclesiarū institutionē, iuxta prædictam
consultationē in omnibus moderentur, nec
vltius quicq̃ instituāt,aut lōgius progredi-
antur:quòd si qui fortè iam longius abicessis-
sent, vt ij ad cōsultationis illius moderatio-
nem modis omnibus se recipiāt,atq; illius se

S. C. M. DECLARATIO

limitibus contineant, & vt omnes Imperij ordines, quò tranquillitati & paci publicę commodior locus esse possit, prædictam consultationem hoc tempore tolerant, eamq; nec ipsi oppugnēt, nec ab alijs oppugnari, aut doctrina, aut scripto, aut concionibus permittant: sed Concilij generalis definitionem & declarationē æquo animo & obedienter expectēt.

Interea tamē sua Maiestas omnem curam, studium, & diligentiam adhibebit, vt generale Concilium, quod Status oēs efflagitant, celebretur primo quoq; tempore, & Germanica natio à præsentī hac dissensione penitus liberetur.

¶ Nunc quoq; Maiestas eius dat operam, vt Christiana reformatio concipiatur: his etiam Comitij Statibus publicanda: magna spe ac fiducia, quòd hæc ipsa ad disciplinę Christianæ cōseruationem & virtutum progressum, & vt abusus & scandala tolli possint, multum vtilitatis sit allatura.

¶ Et quoniam in prædicta consultatione, sub titulo de Ceremonijs inter alia scribitur, tolli atque emendari debere, si quid fortè irrepsisset, quod causam dare possit superstitioni, &c. Reseruat sibi sua Maiestas curam in hoc ipso negotio atque alijs, vbi & quando opus fuerit, modum & ordinem legitimum constituendi. Si quid enim Cæsarea Maiestas, quod ad Dei gloriā, ad pacificandam religionem,

IN NEGOTIO RELIG.

nem, firmandam pacem, iusticiã & tranquillitatem in sacro Imperio Germanicæ nationis, deniq; ad omnium Imperij Ordinum vtilitatem pertineat, suscipere, instituere, efficere, aut vrgerè poterit, in eo se cum omni clementia, vt Imperatorem facere par est, exhibet paratissimam, quæq; omnia Cæsarea Maiestas vt animum suum declaret, communibus Statibus significare voluit.

SEQUITVR CONSULTATIO, cuius prius mentio facta est.

DE CONDICTIONE hominis ante lapsum



Deus creauit initio hominẽ ad imaginem & similitudinẽ suam, eumq; gratia ornauit, & fecit p originale iusticiam, vt esset omnib⁹ cum corporis, tum Genes. 1 animi viribus rectus, nec agitaretur vllis turbidis & prauis motibus : sed in eo caro spiri- Eccle. 15 tui, atq; inferiores animi vires superioribus, quæ tantum ad bonũ hortabantur, parerent.

Cum igitur animus hominis tam bene constitutus esset, reliquit eum Deus in manu cõsiliij sui vsq; eo, vt non minorem haberet vim ad eligendum bonum, quàm malum.

Quòd si hac libertate sua vltus fuisset recte, & mandatis, quæ ipsi Deus dederat, obedisset, bona quæ acceperat homo, atque iusticiam sibi & omni posteritati suæ cõseruasset

S. C. M. DECLARATIO

set, nihilq; ei ac posteritati ipsius defuisset ad bene beateq; viuendum: non fames, non sitis, non frigus, non æstus, nō dolor, non morbus, non mors cum afflixisset, omne deniq; peccatum atq; viciū vitasset, nec ab illis tanquā peccatorum stipendijs periculum ei vllum posterisq; illius allatum fuisset.

DE CONDITIONE

hominis lapsi.

V Erūm postq̃ primus parens noster, contrā quā mandauerat Deus fecit, incidit in pœnam à Deo propositam, & iusticiæ originalis donum pulcherrimum amisit: hinc carentia iusticiæ huius vnā cum vicioso concupiscentiæ habitu, quæ spiritui & superioribus animi viribus perpetuò repugnant. Quod peccatum (hoc est, priuationem illius iusticiæ, qua parte rationem subditam

Rom. 7. reddebat Deo, vnā cum concupiscentia) Adā in omnem posteritatem suam propagauit, vt

Ephē. 2. cum eo omnes quotquot in hanc lucē eduntur, homines nascātur, nec eo vacuus sit vllus,

Iob. 25. ne vni⁹ quidē diei infans, secundū scripturas.

1. Cor. 2. Hinc illud naturæ nostræ vulnus, vt animalis homo nō percipiat quæ sunt spiritus,

Rom. 8. nec eadem ante gratiam expetat, atque liberè eligat, cū concupiscentia & affectus carnis, qui in eo dominatur, inimicitia sit aduersus Deum, & à lege Dei abhorreat, tantoq; magis impediāt in bono, quanto magis ad

ma

IN NEGOTIO RELIG.

malum impellit. Et quanquam retinet homo talis libertatē arbitrij, licet infirmam & læsam, ex qua tanq̃ fonte profluunt & virtutes morales ethnicorum, & harum actiones, tamen ante gratiam Dei & reparationem ad iusticiā, quæ coram Deo valeat, aspirare haud potest, sed est potius seruus peccati, sathanæ mancipiū, inimicus Dei, & malis huius mundi obnoxius. Premitur enim fame, siti, frigore, æstu, dolore, morbo, & ad extremum morte ipsa euertitur. Per vnum enim hominem Rom. 5. peccatum in hunc mundum intrauit, & per peccatum mors. Hæ autem istius primæ prauaricationis pœnæ renatis cum peccatoribus communes sunt: illis tamen à Deo etiam ad exercitium adhibentur, iniustis & impijs infliguntur ad pœnam. ¶ Adde huc, quod in homine tali, quem peccatū originale deprauauit, quoad natura tantum constat, nec per gratiam instauratur, regnat vnà cum concupiscentia praua etiam sathan, qui eum vinculis seruitutis suæ constrictum tenet, in eoq; operatur, vt conuerfetur in desiderijs suis, faciens voluntatem carnis & cogitationum, ac originale quod à parētibus traxit peccatum, actualibus cumulet, sitq; filius iræ, secundum Apostolum: vt si in hac miserrima conditione sua moriatur, iusto tandem Dei iudicio in gehennam coniectus, æternis ibi supplicijs plectatur, vbi nec ignis eius (vt apud Ephes. 2.
Esaï

S. C. M. DECLARATIO

Esaiz. 66. Esaia scriptum est) extinguetur , nec ver-
mis morietur.

DE REDEMPTIONE PER Christum Dñm nostrum.

Ioan. 3. **Roma. 3.** **Ephesi. 1.** **Esaiz. 53.** **1. Petri. 2.** **2. Cor. 5.** **Roma. 3.**
DEus igitur qui diues est in misericor-
dia , nolens perire quos condiderat,
filium suum misit in mundū, vt cū
impossibile esset homini seipsum liberare, in
domino hoc nostro atq; saluatore haberet re-
demptionem per sanguinē eius , vt scriptum
est apud Apostolum.

Posuit enim Deus super eum iniquitates
nostras , vt in corpore suo peccata ferret in
cruce, affigens ea in ligno. Hic cū innocens
pro nobis peccatorib. pateretur, atq; satisfacere-
ret, redemit quidem nos, & Deum patrem ita
placauit, vt idē pater mīseros nos & pecca-
tis inquinatos, ob sanguinem ipsius absolue-
ret, ac sibi reconciliaret. Verē enim (inquit
Paulus) erat Deus in Christo, mundum recon-
cilians sibi, nō reputans illis delicta ipsorum.
Et quanquam Deus gratuitō , & propter
nomen suum propitius est nobis, & iniqui-
tates nostras delet propter se , tamen ne sine
vllō satisfactionis precio peccata nostra re-
mitteret, ad ostensionem iusticiæ suæ, pro in-
comprehensibili sapientia & imēnsā boni-
tate suā, iusticiam cum misericordia miscuit,
& voluit vt precium pro redimendis nobis
filiij sui sanguine constitueretur , vt quas nos
pec-

IN NEGOTIO RELIG.

peccatores dare deberemus pœnas, easdem agnus ille innocentissimus perferret in cruce, nosq; è vulneribus ipsius quod nobis miseris deesset, redemptionis precium mutuari, & ad liberationem salutemq; nostram usurpare possemus: vt cùm misereatur nostri benignissimus pater gratuito, non tamen misereatur nisi interueniente sanguine filij sui: vt quod nobis hic gratis contingit, id tamen merito ac iusticię Christi acceptum ferre debeamus: vt quicunque gloriatur, in hoc domino redemptore & saluatore nostro glorietur.

DE IUSTIFICATIONE.

¶ Iam qui precioso sanguine Christi redimitur, & cui meritũ passionis Christi applicatur, is cõtinuò iustificatur, hoc est, inuenit remissionem peccatorũ suorum, à reatu æternę damnationis absoluitur, & renouatur per spiritũ sanctũ, atq; ita ex iniusto fit iustus. Nā Deus quādo iustificat, nō humano tantũ more agit cum homine, vt ei ignoscat duntaxat, peccatum donet, & reum absoluit: sed facit etiā meliorem, id quod homines tribuere nec solent, neq; possunt. Cõmunicat namq; cum illo de spiritu suo sancto, qui purificat cor ei⁹, & per charitatem in eodem corde diffusã incitat, vt quod bonum ac iustum est expetat, & expetitur opere ipso persequatur.

¶ Hęc est vera illa iusticię inhærentis ratio, quã desiderabat Dauid, cū hęc mitteret vocẽ:

Cor

S. C. M. DECLARATIO

Psal. 50. Cor mundum crea in me Deus, & spiritū re-
ctum innoua in visceribus meis. De hac Apo-
1. Cor. 6 stolus scribit: Abluti estis, sanctificati estis,
Tit. 3. iustificati estis. & cū inquit, Deum secundū
suam misericordiam nos saluos fecisse per la-
uacrum regenerationis, & renouationis spiri-
tus sancti, quē effudit in nos abundanter per
Iesum Christum saluatorem nostrum, vt iu-
stificati gratia ipsius, hæredes simus secundū
spem vitæ æternæ. ¶ Quanquā aut iusticia
hæc, quæ è fonte spiritus legis profluit, longè
est abundantior, quàm fuit Scribarū & Phari-
Matt. 5. sæorum iusticia, tamen in ijs, qui hac præditi
Galat. 5. sunt, nihilominus concupiscentia repugnat
Rom. 7. spiritui, quoad hīc viuitur: eò fit, vt ijdem illi
1. Ioan. 1 mente quidem seruiāt legi Dei, carne autem
legi peccati, & sine peccato non viuant.

Cū igitur homo plenā iustitiæ inhæren-
tis perfectionē, quoad in hac terra viuit, non
cōsequatur: certē Christus, qui factus est no-
bis sapientia, iustitia, sanctificatio, & redem-
1. Cor. 1 ptio à Deo, nobis in hac etiā parte benignis-
sime succurrit, quatenus & per cōmunicatio-
nem iustitiæ suæ, iusticiā hominis de illa par-
ticipantis inhærentem, vt effecit, ita auget, vt
de die in diem renouetur, donec in æterna pa-
tria plenè perficiatur, & per meritū sanguinis
sui preciosi, atque iusticiam, quam constituit
perfectissimā, impetrat homini indulgentiā,
vt quod homo per infirmitatē suam minus

IN NEGOTIO RELIG.

potest, id per ipsius Christi perfectionem recuperetur ac condonetur. Hinc illa Ioannis consolatio: Filioli, hæc scribo vobis vt nō peccetis: sed & si quis peccauerit, aduocatū habemus apud patrem Iesum Christū iustum: ipse est propiciatio pro peccatis nostris.

Concurrunt quidem Christi meritum & iusticia inhærens, ad quā renouamur per donum charitatis. Inhærens, vt ex ea piè, iustè, ac sobriè viuamus in hoc seculo, expectantes beatam spem, & aduentum glorię magni Dei & saluatoris nostri. Sed meritū Christi, vt sit iusticię nostrę idhærentis causa, & cū in multis labamur omnes, ac propter infirmitatem imperfectionemq; nostrā multa occurrant, quę animos nostros turbare, & ad desperationē sollicitare possint, in eodem merito & precioso Christi sanguine respiremus, ac inueniamus, quo ad spem salutis firmissime niti valeamus. Nam in Christo Iesu domino redemptore & saluatore nostro, quē induit Rom. 5. pij, & cum quo donantur eis omnia, secundū Apostolum, Omnia nobis sunt firmissima, solidissima, & perfectissima, vt eisdem ipsis ad spem viuam rectè fulciamur.

DE VTILITATE ET FRV

ctibus iustificationis.

H Abent quidem iustificati pacem ad Deum per Dominū nostrum Iesum Christū: eis namq; Deus est placatus, miser-

S. C. M. DECLARATIO.

misericors & propitius, vt sperare possint, si
cū inimici essent, Deus recōciliauerit sibi
ip̃sos per mortem filij, multò magis futurū
esse, vt reconciliati saluētur: vt verbis Apost.
Rom. 8. quæ consolationis plenissima sunt, vtamur.

Item, qui iustificantur, iidem etiam ado-
ptantur Deo filij, vt hæredes sint patris æter-
ni in cœlis, cohæredes autem Christi, autore
Paulo, & iam habeant ius adeundæ hæredita-
tis illius, quæ est vita æterna.

DE MODO PER QVEM iustificationem accipit.

Tit. 3. **E**T si Deus nō ex operibus iustitiæ, quæ
fecit homo, sed secundum suam miseri-
cordiam iustificet eum, idq; gratis, hoc
1. Ioan. 1. est, sine merito eius: vt si gloriari velit, in Chri-
sto tantum glorietur, cuius solius merito re-
dimitur à crimine, & iustificatur: tamen mi-
sericors Deus nō agit hīc cum homine vt cū
trunco, sed trahit eum volentem, si adultus
sit: ille nim non accipit beneficia illa Christi,
nisi præueniente gratia Dei, mens eius atque
voluntas moueatur ad detestationē peccati.
Esai. 59. Nam cū peccatū separet inter Deum & nos,
vt Esaias inquit, nemo ad thronum gratiæ &
misericordiæ accedere potest, nisi qui prius
per pœnitentiā ab eodē peccato fuerit auer-
Matth. 3. sus. Itaq; Ioannes cū præpararet viam Do-
Mar. 1. mino, dixit: Agite pœnitentiā appropinquat
enim regnū cœlorum. ¶ Mox eadem gratia
di-

IN NEGOTIO RELIG.

diuina mouet mentem in Deum per Christū:
& hic motus est fidei, per quam homo sine hæ-
sitatione credens scripturis sanctis, & promif-
sionibus quas eędem adferūt, assentitur. Chri-
stus enim ipse cū primò exegisset pœniten-
tiā, mox fidem talē requirit, inquiens: Quoniā
impletū est tempus & appropinquat regnum
Dei: agite pœnitentiam, & credite Euangelio.

¶ Qui ita credit, & à diuinæ iusticiæ timore,
quo vtiliter concutitur ad considerandā mise-
ricordiā Dei, & redemptionem per sanguinem
Christi est conuersus, hic erigitur, & mouente
gratia Dei, concipit fiduciā atq; spem, vt cre-
dat præter spem meriti sui in spe misericor-
diæ promissæ, tribuens gloriam Deo, atq; ita Rom 4.
perducitur ad charitatem. ¶ Tali in Deum
fide quicunq; misericordiæ diuinæ ac Christi
merito nititur, seq; eisdem committit, accipit
promissionē Spiritus, & sic iustificatur per fi- Galat. 3.
dem in Deum, secundum scripturas, vt ei non
solum remittatur peccatū, sed idem etiam san-
ctificetur & renouetur per spiritum sanctum.
Ea namque fides impetrat donum spiritus
sancti, quo diffunditur charitas in cordibus
nostris: quæ quatenus ad fidem & spem ac-
cedit, eatenus per iusticiam inhærentem ve-
re iustificamur. Hæc enim iusticia, fide, spe,
& charitate ita constat, vt si aliquam harum
iusticiæ huic subtraxeris, eandem ipsam pla-
nè mancā reliqueris.

B

S. C. M. DECLARATIO

¶ De charitate, & bonis operibus.

Charitas aut, quæ est finis præcepti & plenitudo legis, simulac iustificatione ingreditur, fecunda est, iamq; omniū bonorū semina intra seipsam includit, quæ ut parata est ferre bonos iustitiæ fructus, ita fert eos in iustificato q̄ primum & quoties debet, eiq; operadi facultas impedimēto aliquo non adimitur. Itaq; fides, quæ per dilectionē non operatur, non videtur viua, sed sterilis potius ac mortua, autore Iacobo. Quinimo homo quantalibet fide præditus, si ei desit charitas, manet in morte, ut Ioānes testatur: cum præsertim charitas iam esse debeat pars vitæ æternæ in nobis inchoatæ, & tandē per glorificationē perficiendæ. Quanquā enim fides & spes delinēt cū migraverim⁹ in illa æterna tabernacula, charitas tamen manebit, & in eadē ipsa introibit, ut secundū eam beatissime vivere, ac Deo, qui tum nobis erit omnia, sempiterno æuo frui possimus. Est tamen fides nihilominus vera, qua Christiani ab infidelibus discernuntur, quatenus scripturis & reuelatis à Deo assentiuntur, & si eadem à charitate disiuncta sit. ¶ Ex hoc maximo Dei dono, quod quanto magis in nobis augefcit, tanto magis vetustas carnis nostræ imminuitur: manāt tanquam è fonte bona opera ad salutem cuiusque iustificati: quæ tam necessaria sunt, ut qui ea non fecerit cū tenetur, gratiam

Dei

1. Tim. 1.

Rom. 13.

Psal. 1.

Galat. 5.

Iacobi. 2.

1. Ioan. 3.

1. Cor. 13

1. Cor. 15

IN NEGOTIO RELIG.

Dei amittat, & tanquam palmes inutilis excindatur à Christo, & in ignem proijciatur, vt Christus ipse in Euangelio docet. Ioan. 15.
Matth. 7.

Et quanquam opera hæc talia sunt, vt Deus iure quodam suo ea à nobis exigere possit, & sancti etiam si omnia quæ eis præcepta sunt fecerint, & agnoscere, & dicere debeant, se esse inutiles seruos: tamen cum ex charitate profluant, & gratiæ Dei effectus sint, ac quia Deus secundum suam voluntatē operantibus mercedem liberalissime promisit, eadem & temporalium bonorum & æternæ vitæ remuneratione dignatur, secundum Apostoli testimonium, inquit: Abundate in omni opere bono, scientes quòd labor vester nō est inanis in Domino. Non enim est iniustus Deus, vt obliuiscatur operis vestri & dilectionis, quam ostendistis in nomine eius. Lucæ. 17.
Hebræ. 6.

Ac iustificati iā & serui facti iusticiæ, membra sua exhibentes serua iustitiæ ad sanctificationē cooperatē gratia, bonis operibus abundant: & quanto magis eisdē abundant, tanto maiora iusticię incrementa ipsis adiunguntur, vt qui iusti sunt iustiores fiant. Ne verearis (inquit scriptura) iustificari ad mortē. Item: Qui iustus est, iustificetur adhuc: & qui in Christo fructuosus est, repurgatur à patre cælesti, vt fructum copiosiorē ferat, vt Christus ipse docet. Et hæc est illa ex operibus iustificatio, de qua Iacobus frater Domini. Roma. 6.
Eccl. 18.
Apoc. 2.
Iacobi. 2.

S. C. M. D E C L A R A T I O.

Quod reliquum est, & si opera à Deo mandata vt necessaria ad salutem, sunt præcipuè vt genda, iuxta illud Christi: Si vis vitā ingredi, serua mandata: quæ tamen præceptis super-

Matt. 19. addita, aut piè, aut honestè suscipiuntur, ipsa etiā cōmendanda sunt, ne à spiritu sancto multa horū in scripturis sanctis cōmendante discrepemus: alias relinquere aut vendere oīa, & sequi Dominū: item, seruare virginitatē & continentiā, bonū & vtile non esset: quinimo *1. Reg. 6.* *1. Cor. 9.* David, cū saltaret ante arcā, iure fuisset irrisus à Michol: item, Paulus frustra remisisset salarium ijs, quibus verbū Dei prædicauerat.

Breuit̃er, Discernenda sunt opera supererogationis, quæ supra præceptū (vt verbo Chrysostomi vtamur) fiunt ab ijs, quæ contra præceptū fiunt. Hæc enim Christus ipse damnat, vt fermentū Phariseorū: At illa Spiritus sanctus in scripturis loquens cōmendat, inquiēs: *Lucæ. 12.* *Psal. 118.* Volūtaria oris mei beneplacita fac Domine.

DE FIDV CIA R E M I S S I O -

nis peccatorum.

H I C cauendum est, ne aut homines faciamus securos nimis, sibiq; fidentes, aut anxia dubitatione in desperationē impellamus. Itaq; quum Paulus dicat, se quidem nullius peccati consciū, sed in hoc tamen non iustificatū esse: homo non potest sine dubitatione propriæ infirmitatis aut indispositionis, credere sibi peccata remissa esse: *1. Cor. 4.* sed

IN NEGOTIO RELIG.

sed tamen nō debet se in seipso iactare, nō ita
 tamen terrendus est, vt de promissis Dei, deq;
 mortis & resurrectionis Christi efficacia dubi-
 tet, & desperet se remissionē peccatorum con-
 sequi posse: quin ei omnis spes, & totius fidu-
 ciæ certitudo esse debet in precioso sanguine
 Christi, qui effusus est propter nos & propter
 nostrā salutem: in quo ipso respirare nos atq;
 confidere, & possumus certò, & debemus con-
 firmante nos spiritu sancto, qui dat testimo- Roma. 8.
 nium spiritui nostro, quod simus filij Dei.

DE ECCLESIA.

Nunc de Ecclesia, quæ est vniuersitas
 Christifidelium, agendum videtur: in
 quam Spiritus sanctus ita cōtrahit ac
 iungit renatos & Christianos, vt sit vna do-
 mus, vnū corpus ab vno baptismo & vna fide,
 quæ autore Paulo, vna est in omnibus Christia-
 nis. Itaq; necesse est, vitam Christianorū, vt ad
 perfectum finem, quò tendit Ecclesia, perue-
 niatur, bonā esse & piā. Nemo tamē sibi per- Ephē. 4.
 suadeat, vllam vitæ probitatē sibi profuturam
 esse, nisi se huic fideiū vnitati & cōmunioni
 iunxerit atq; accommodauerit. Est igitur Eccle-
 sia domus Dei viuentis, & corpus illud, cuius
 caput est Christus. Multi enim vnum corpus
 sumus in Christo, inquit Paulus. Pro hac Ec- 1. Tim. 1.
 clesia idem Dominus noster Iesus Christus se Ephē. 10.
 tradidit, vt eā sanctificaret, mūdās ipsā lau-
 chro aquæ in verbo vitæ, vt exhiberet sibi glo-

S. C. M. DECLARATIO

riofam, nō habentē maculā aut rugā, aut aliqd huiusmodi, sed vt fit sancta & immaculata.

At cum Ecclesia sit vnica illa columba & corpus vnum, certe vt hanc solam spiritu suo sanctificat & fouet Christus, ita extra eam dona gratiæ suæ tribuit nemini. Qui igitur in communionē huius corporis non est, nihilo magis spiritu sancto viuificatur ad salutē æternam, q̄ vllum membrum naturale à corpore suo abicissum atq; auulsum ad vitam naturalem, eò quòd spiritu vitali ab vno suo capite defluente non amplius vegetatur. Itaq; credendum est, neminem extra Ecclesiam Christianum, & communionem eius spiritualem, vitam æternam consequi posse. Communionis autem huius eam esse rationem, vt quum spiritus Christi ab eo vt capite delabatur in corpus suum, hoc est, Ecclesiā, & omnia membra huius permeet, singula membra percipiāt ex eo quantum sibi satis sit ad salutē, & quod singulis bonum contingit, id omnibus commodare, atq; adeò vniuersitati ipsi consulere.

Ephes. 4. Nam, vt ait Apostolus, crescunt membra in charitate per omnia in illo, q̄ est caput Christus, ex quo totum corpus compactum & conexum, per omnem iuncturam subministrationis secundum operationem vniuscuiusq; membri, augmentum corporis facit in ædificationem sui in charitate. In tali coniunctione atque societate hominum est summa con-

IN NEGOTIO RELIG.

iunctio, dum membra pro se inuicem sollicita sunt: & siue patitur membrum vnum, patiuntur omnia membra: siue gaudet membrum vnum, congaudent omnia membra.

Et quanquam Ecclesia, quatenus constat 1. Cor. 12. membris talibus, quæ secundum charitatem viuunt, Sanctorum est tantum, & eatenus spiritualis & inuisibilis, eadem tamen etiam sensibilis est, qualem Christus ipse monstrat, in-Mat. 18. quiens: Dic Ecclesiæ. Ad hanc eandem pertinent Episcopi, qui regant populum, quem Christus suo sanguine acquisiuit: pertinent alij item ministri. Dedit namque Deus quosdam quidem Apostolos, quosdam autem Pro-Ephes. 4. phetas, alios vero Euangelistas, alios Pastores & Doctores. Ad hanc eandem Ecclesiam pertinet verbum Dei, quod in aures influat: pertinent Sacramenta, pertinent clauces ligandi atque absoluendi, pertinet potestas coercendi per excommunicationem, pertinet ius ordinandi ministros Ecclesiæ, pertinent vocationes ad munera Ecclesiastica, pertinet denique ius sanciendo canones.

Debent autem quæ ad sensibilem & externam Ecclesiæ partem pertinent, seruire ad consummationem Sanctorum in opus ministerij in ædificationem corporis Christi. Iam in Ecclesia non solum sancti, sed etiam mali ut Ephes. 4. huius membra, licet arida, versantur: vnde eam Christus modo reti in mari iacto, & tam Mat. 13.

S. C. M. DECLARATIO

bonos q̄ malos pisces comprehendenti: modo agro seminato, bonas fruges & zizania simul ferēti comparat. Nam qui membra facti sunt Ecclesiæ per baptismum, recidunt sæpe in crimina, faciuntq; se seruos peccati, atq; æternę damnationis reos. Et quanq̄ gratiam cõmunionis Sanctorũ & spiritualis Ecclesiæ amittunt, hærent tamen nihilominus in externa Christianorum societate & Ecclesia. Audiunt verbum Dei, & sacramenta capiunt, & alia item sensibilia cum Ecclesia habent communia, nisi vel per excommunicationem iustam, vel per schisma, vel per hæresim, vel per defectionem à fide Christiana abscindantur.

Misera est quidem conditio eorum, qui ex peccato mortali languent, & à spirituali cõmunionē remoti, in periculo æternæ damnationis versantur: sed quia tamē eis verbũ Dei audire, & sacramētis item vti licet vtiliter, hisce tanq̄ instrumentis diuinę gratię, in cõmunionem Sanctorum restitui facilius possunt, præsertim cū in Ecclesia etiam externa Spiritus sanctus salutem per verbũ Dei & Sacramenta operetur. Verũ schismatici, hæretici, & à fide Christiana desciscientes quia nō solũ à spirituali, sed etiã externa societate seiuncti sunt, quamdiu in hoc calamitoso sunt statu, nō habent quo possint iuari ac recreari: imò tanq̄ membra à toto Ecclesiæ corpore abscissa in suam ipsorum perniciem putrescunt, non
di

IN NEGOTIO RELIG.

digni qui in vlla corporis Christi parte constant, cuius vnitatem tam turpiter scindunt atque lacerant. Hinc illud Apostoli: Homi- Tit. 3.
nem hæreticum post vnam & alteram admonitionem deuita, sciens quia subuersus est, qui huiusmodi est, & delinquit, cùm sit proprio iudicio condemnatus.

DE NOTIS ET SIGNIS

Ecclesiæ veræ.

AC quoniam varij sunt cœtus humanæ consociationis, operæ precium est notas & signa, quibus Ecclesia ab alijs societatibus humanis discernatur, nosse: cū præsertim, qui ab Ecclesia vera deficiunt, schismatici atq; hæretici, constituent suos cœtus, eisq; auctoritatem & nomen Ecclesiæ adiungere nō Mat. 24.
dubitent, & alij eorum alio in loco Christum esse dicant: à quibus vt caueamus nobis Christus ipse monet. Sunt igitur signa Ecclesiæ veræ, hoc est, magnæ illius domus, in qua non solum sunt vasa aurea & argentea, sed & lignea & fictilia: & quædam in honorem, & quædam in contumeliam, Doctrina sana, & rectus Sacramentorum vsus, quibus ab ethnicorum & Iudæorum cœtibus Ecclesia disiungitur, quorum vtriq; & sana doctrina, & sacramentis noui Testamenti carent. Tertium signum est vni Ephe. 4.
tas, quæ vinculo charitatis & pacis cōtinetur, ac membra Ecclesiæ ita conglutinat, vt nō solum quod perpetuus Sanctorum cōsensus ab
apo

S. C. M. DECLARATIO

apostolis vsque ad nos recepit & approbavit, idem sentiant, sed etiam idem loquantur, mo-

- 1. Cor. 1** nente Apostolo : Obsecro autem vos per nomen Domini nostri Iesu Christi , vt idipsum dicatis omnes, & non sint in vobis schismata. Sitis autem perfecti in eodem sensu & in eadem sententia. Quartum signum Ecclesiæ veræ est, quod sit catholica & vniuersalis, hoc est per omnia loca & tempora diffusa, & per apostolos eorumq; successores continuata vsque ad nos, successione propagata vsq; ad fines terræ, iuxta promissiones Dei: Postula à me, & dabo tibi gentes hæreditatem tuam, possessionem tuam terminos terræ. Item: Multi venient ab occidente & oriente, & recumbent cum Abraham, Isaac, & Iacob in regno cælorum . Item: Et eritis mihi testes in Hierosolyma , & in omni Iudæa, & Samaria, & vsque ad vltimum terræ . Item: Et ego rogabo patrem, & alium paracletum dabit vobis , vt maneat vobiscum in æternum , Spiritum veritatis , quem mundus non potest accipere.
- Psal. 2.**
- Matt. 2.**
- Act. 1.**

Hæc duo signa distinguunt Ecclesiam Christianam à Schismaticorum atque hæreticorum gregibus, qui vinculum pacis rumpunt, & à catholica vnitatem seipsos in suam ipsorum perniciem diuellunt, dum partem suam toti atque vniuersi Ecclesiæ anteferunt.

DE AVTHORITATE ET potestate Ecclesiæ.

Eti

IN NEGOTIO RELIG.

Etsi scriptura (vt Christus inquit) solui Ioan. 10.
 nō potest, & idcirco immobilis, & omni
 humana authoritate maior est, tamen
 fuit penes Ecclesiam authoritas discernendi
 scripturas veras ab adulterinis : hinc Canon
 scripturarum, qui germanas à falsis, quæ sub
 nomine Apostolorum & discipulorum do-
 mini obtrudebantur, discreuit.

Et vt Ecclesia huius rei authoritatem po-
 testatemq; habuit semper, sic etiam interpre-
 tandi, atq; adeo ex eisdem scripturis eliciendi
 & explanandi dogmata. Quippe cū huic spi-
 ritus sanctus non desit, qui ipsam in omnem
 ducat veritatem, quemadmodū Christus ipse
 promisit. Hinc illud Petri: Omnis prophetia Ioan. 16
 scripturæ propria interpretatione non fit, sed
 spiritu sancto inspirati, sic loquuti sunt sancti 2. Pet. 1.
 Dei homines. Atq; hæc interpretandi potestas,
 cum primis necessaria est, in ijs præsertim quæ
 difficilia sunt intellectu, id quod res ipsa docet.

Habet præterea Ecclesia traditiones à Chri-
 sto & Apostolis per manus Episcoporum ad
 hæc usq; tempora delatas, quas qui conuel-
 lit, is negat eandem columnam esse & firma-
 mentum veritatis. Huius generis sunt, Bapti-
 smus paruulorum, & alia.

Constat itē potestātē coercendi, atq; excom-
 municandi esse penes Ecclesiā, idq; ex institu-
 to Christi de potestate ligandi. Huic consen- Matt. 16.
 taneū est illud Apostoli : Tollit malū à vobis. 1. Cor. 5.

Ha-

S. C. M. DECLARATIO

Habet item potestatem iurisdicendi. Nam cui competit ius coercendi, & potestas iurisdicendi deesse non potest.

At si quæstiones dubiæ oriâtur in Ecclesia, habet quidem hæc potestatem iudicandi de eisdem, atq; decernendi, idq; per Synodum, & quòd hæc in spiritu sancto legitimè congregatâ decernit, Spiritus ipse sanctus decernere videtur, iuxta illud Concilij Hierosolymitani : Visum est spiritui sancto & nobis. Itaq; saluberrimam esse Conciliorum auctoritatem dubitare debet nemo.

Et quod ex eodem Concilio Hierosolymitano intelligitur, est etiam penes Ecclesiâ potestas constituendi Canones, idq; ad utilitatē Ecclesiæ, cuius potestas omnis est ad ædificationem, & non ad destructionem.

DE MINISTRIS

Ecclesiæ.

Habet Ecclesia doctrinā diuinitus traditam, quæ populo explicanda est, habet sacra & externa, quæ piè & salubriter ad utilitatem Christianorū tractāda sunt, atq; explicanda, quò minus ministri qui muneribus ad has res necessariis funguntur, eidē Ecclesiæ deesse vel possunt vel debent. Ac munera quidem hæc omnibus Christianis communia non sunt, verum Deus ipse initio dedit quosdā quidē Apostolos, quosdā prophetas, alios verò Euāgelistas, alios autē pastores & doctores.

Ephes. 4.

IN NEGOTIO RELIG.

Etiores ad cōsummationē sanctorū in opus ministerii, in ædificationē corporis Christi. Itaq; tempore Apostolorū nō omnib⁹ data fuit potestas ad functionē munerū Ecclesæ, sed certis tantū, iisq; ad eadē ipsa segregatis. Nam cū Antiochiæ esset Barnabas, Lucius, Manahen, & Saulus ministrantibus illis Dño, (vt Lucas in Act. Apost. scripsit) & ieiunantibus, dixit illis Act. 13. spiritus sanctus: Segregate mihi Saulū & Barnabā in opus ad quod assumpsi eos. Cauendū est igitur nobis, ne spirituale sacerdotiū, quod omnib. Christianis, quos spirit⁹ sanctus vnxit, cōmune est, cum hoc externo atq; ministeriali, quod nō oīm est, sed eorū tantū qui ad hoc vocati atq; ritē ordinati sunt, cōfundamus: qđ sine graui ac pernicioſa Ecclesiarū perturbatione atq; calamitate accidere non potest.

DE PONTIFICE SUMMO

& Episcopis.

ATque vt Ecclesia quę est vnus capitis hoc est, Christi, vnū corpus, eò facilius in vnitāte cōtineri posset: Etſi multos habet Episcopos, q̄ populū eius, quē Christus precioso sanguine suo acquisiuit, regāt, idq; iure diuino: Vnū tamē in remediū schismatis, q̄ cæteris omnib⁹ præsint, cū plenitudine potestatis, summū Pontificē habet, idq; pro prerogatiua Petro cōcessa, qđ ipsum q̄ utile sit ad auerterenda ab Ecclesia schismata, satis cōstat. ijs, q̄ nō ignorāt à cōtemptu huius Summi sacerdotis

tis

S. C. M. DECLARATIO.

tis plerunq; schifinata orta esse, vt Cyprianus
Ioan. 2 1. scribit, & res ipsa testatur. Qui igitur Cathe-
2. Cor. 10 dram Petri tenet Summus Pontifex, eo iure
13. quod Petrus accepit à Christo, dicente: pasc
oues meas: vniuersam Ecclesiã & gubernat &
gubernare debet. Qua tamẽ potestate sua vti
debet nõ ad destructionẽ, sed ad ædificationẽ.
Hanc aut plenitudinẽ potestatis, sic videtur
Christus Petro eiusq; successoribus dedisse, vt
reliqs Episcopis partẽ sollicitudinis eis cõmis-
sæ non abstulerit, sed suarũ Ecclesiarũ & Dicc-
cesiũ veros iure diuino Episcopos esse volue-
rit. Debẽt aut Christiani oẽs & Pontifici Sum-
Heb. 13. mo, & singulis suis etiam Episcopis parere, iu-
xta illud Apostoli: Obedite p̃positis vestris,
qui vigilant pro animabus vestris.

DE SACRAMENTIS

in genere.

Sacramenta duabus potissimum de cau-
sis diuina authoritate instituta sunt: Al-
tera vt sint signa & notæ quædam ma-
gnæ illius congregationis, quæ est Ecclesia: in
nullum enim nomen coagulari homines pos-
sunt, nisi aliquo signaculorũ vel Sacramento-
rum visibilium consortio colligentur. Quam
obrem dominus noster Iesus Christus societa-
tem noui populi Sacramentis numero paucis-
simis, obseruatione facillimis, significatione
p̃stantissimis, colligauit: Baptismo videlicet,
Confirmatione, Eucharistia, Pœnitentia, Ex-
tre

IN NEGOTIO RELIG.

rema vñctione, Ordine, & Matrimônio. Altera
verò est, vt non solum significant, sed etiam
sanctificent, & conferant inuisibilem Dei gra-
tiam, non propria rerum externarum virtute
aut merito ministri, sed domini instituētis ac
secretius operantis. Itaque etsi decet bonum
esse Sacramentorum ministrum, tamen malus
etiam potest ea vtiliter dispensare.

DE BAPTISMO.

AC primo quidem quia homini ad sa-
lutem necessarium est, vt regeneretur
in nouam creaturā, cum aliās natura
sit filius iræ, instituit Christus ipse Sacramen-
tum Baptismi, vt sit lauachrum illius nostræ
regenerationis: quod sanè homini non minus
est necessarium ad vitam nouam atq; spiritua-
lem, quàm natiuitas carnalis, ad vitam natu-
ralem. Nec salutem quisquam consequi po-
test, nisi aqua & spiritu sit renatus, vt Christus
ipse testatur. Hoc igitur Sacramentum ab- Ioan. 3.
luit nos, sanctificat, iustificat. Hoc Sacra-
mentum facit, vt consequamur remissionem
peccatorum nostrorum, originalis atque a-
ctualium. Hoc denique Sacramentum tale
est omnino tamque salutare, vt qui eo initia-
tur, induat Christum, vt Paulus scribit.

Galat. 3.

Constat autem Sacramentū hoc verbo Dei
& aqua, nam simul ac verbum ad elementum
accedit, fit Sacramentum, cuius lauachro
rege-

S. C. M. DECLARATIO

regeneramur & mundamur ab omni peccato. Itaq; quoties aquam corpus abluentem cernimus foris, toties spiritum quem nō cernimus intus, plus operari cogitemus.

Iam formam verborum sine quibus mysterium hoc confici non potest, Christus apostolis tradidit: cū præceperit, vt in nomine patris & filij & spiritus sancti baptizarent. Huic **Mat. 28.** præcepto domini, quoties baptismus confertur, & fides accipientis, si adultus sit, pro infantibus vero cum suscipientium eos & pro ipsis confitentium, tum totius Ecclesiæ fides & fungentis ministri verbum innititur, quatenus hic ait: Ego te baptizo in nomine patris & filij & spiritus sancti.

Ac nobis quidem videtur ad excitandam fidem consolationemq; adulatorum vehementer pertinere, vt intelligant, qui in nomine patris & filij & spiritus sancti baptizatur, se iam potestate, virtute & potentia patris & filij & spiritus sancti consecrari ac sanctificari, seq; totos reconciliari Deo, & iam peculium Dei fieri, qui est pater, & filius, & spiritus sanctus, in cuius tutelam iam transeunt, seq; fœdere sempiterno cum Deo iungunt, quatenus diabolo eiusq; operibus abrenunciant, promittuntq; se Deo militaturos.

Quod autem ad munus baptizandi attinet, & si hoc ad sacerdotes maxime pertinet, tamē laicus etiā rectē & vtiliter in casu necessitatis

bap

IN NEGOTIO RELIG.

baptizare potest. Nec si hæreticus baptizaret, dummodo debita materia, forma & intentione utatur, Sacramentū hoc iterandū est : cū hoc idem non dignitate ministri, sed veritate verbi diuini & spiritus sancti virtute constet.

Quāq̃ autem baptismus aufert omnia inquinamenta nostra secundum scripturas, hic tamen non omnem vitiatę naturę languorem aufert, vt supra etiā monuim⁹: relinquit enim concupiscentiā ad malum inclinantem, reatu ipso sublato, concupiscentia autē illa cōtra bonum in homine spiritum pugnare nō desinit, Galat. 5. quoad in hac terra viuimus.

In quo tamen ipsa Baptismi virtus nobis non deest, vt quæ non solum peccati omnis reatum semel ademit, sed contra concupiscentiam adhuc hærentem in nobis & desideriorū bella cientem, firmat vires nostras per spiritum sanctum, quo ipso ita munimur contra omnem concupiscentiæ vim, vt resistere ei ac præualere possimus, momente Apostolo: Spiritu ambulate & desideria carnis non perficietis. Haftenus de Baptismo. Galat. 5.

DE CONFIRMATIONE.

A Tq; vt homini ad vitam corporis non solum necesse est, vt nascatur ac sit, sed etiam vt crescat atque enutriatur : Ita eidem ad salutem non solum necesse est regenerari, verū etiam in bono cōfirmari & per virtutem spiritus sancti augeri, in quam rem

S. C. M. DECLARATIO

institutum est Sacramentum cum primis utile, ipsa nimirum Confirmatio, quam celebrant Apostoli, cum Samaritanis imponerent manus, cum utili huius efficacia, ut in Actis Apostolorum scriptum est: & quod hic egerunt Apostoli, Christi nomine fecerunt, & in mysterio hoc inducendo non aliter quam in alijs partibus muneris sui, vicem Christi gessisse videntur. Innititur autem mysterium hoc promissionibus Christi de gratia spiritus sancti huiusque missione, Ego mittam promissionem patris in vos. Item: Paracletus autem spiritus quem mittet pater in nomine meo, ille docebit vos omnia. Et quanquam Sacramentum Confirmationis initio impositione manuum tantum celebratum fuit, tamen Ecclesia sub ipsis statim Apostolorum temporibus ex eorundem traditione, ut externo signo internam spiritus sancti unctionem designaret, ritui eius adhibuit Chrisma, cum impressione signi sanctae crucis. Quem morem eumque peruetustum Ecclesia catholica approbare non desinit, & credit quos famulos suos Deus regeravit ex aqua & spiritu, eosdem hoc mysterio ita consignari, ut septiformem spiritum sanctum paracletum de caelis, spiritum sapientiae & intellectus, spiritum consilij & fortitudinis, spiritum scientiae & pietatis ac timoris capiant. Haec cum credat, & in huius Sacramenti administratione testificetur Ecclesia catho

tho

IN NEGOTIO RELIG.

tholica, quæ est optima myſteriorum Dei interpreter, Qui aliter ſentit, eandem negat veritatis columnam eſſe atq; firmamentum.

Viſ igitur Sacramenti huius eſt, vt q̄ eo confirmantur, accipiant ſpiritu ſanctũ, quo in via ſalutis p̄gredi, perſeuerare, & tentationibus atq; inſidijs carnis, mũdi, diaboli feliciter reſiſtere poſſint. Ac quia pleriq; eorũ qui baptizantur, infantes ſunt, nec fidei profeſſionẽ per ſe adunt, conueniet vt pueri cũ iam adulti, & de religione Chriſti iam ſatis inſtructi, ad percipiendũ Confirmationis Sacramentum accedunt, fidem Chriſti & obedientiã Eccleſiæ ſuæ etiam ore proſiteantur, & ieiuni atq; confeſſi hoc ſacro myſterio initientur. Quemadmodũ per Concilium Aurelianenſe conſtitutum eſt. Non tamen cenſemus, propterea paruulos ab hoc Sacramento repellendos eſſe: Cũ Chriſtus ipſe non dubitarit eis manus imponere. Matt. 19.
Mar. 10. non enim legem hic damus Eccleſiis.

Minifter autẽm huius Sacramenti ſit Epico-
pus, id quod conſenſu totius Eccleſiæ Catho-
licæ, & Apoſtolorum praxi comprobatur.

DE SACRAMENTO

pœnitentiæ.

AC quoniã homines renati ſæpe in gra-
uia crimina incidũt, inſtituit Chri-
ſtus Sacramentum pœnitentiæ. Quod
poſt baptiſma ſit nobis tanq̄ ſecũda tabula in
naufragio. In hũc enim vſum tradidit clauem

S. C. M. D E C L A R A T I O.

Ioan. 20. soluendi, inquit: Accipite spiritum sanctū quorum remiseritis peccata, remittuntur eis. Simulac enim peccatorem peccati sui pœnitet verè, idemq; cum fiducia accedit ad thronum misericordiæ, & credit hoc Sacramento accipi quod Christus promisit, sit ei sicuti credit. Nec deest Sacramento huic quod promissum est. Ut enim Sacramenta alia, sic & hoc vim habet sanctificandi. Consistit autem Sacramentū hoc in absolutione Sacerdotis, quæ instituto & verbo Christi nititur, qui in hanc rem potestatem suam delegat Sacerdotibus, inquit: Sicut me misit pater, & ego mitto vos. Accipite spiritū sanctū, quorū remiseritis peccata, remittuntur eis. Sed quia Sacerdos non solum habet potestatem absoluendi, verum etiam ligandi, cum utraq; simul diuinitus tradatur: Videtur eatenus potestatem iudicandi accipere, quatenus hanc utriusq; clavis potestatem accipit, nec eam exercere posse, nisi intelligat, utrum remittere an retinere debeat. Tale autem iudicium non potest aliunde quā ex confessione oris & peccatorum enumeratione hauriri. Nam cum plerūq; hominum delicta sine teste committantur, occulta autem crimina animam etiam saucient atq; occidant, ac manifestis interdum grauiora & periculosiora sint: Sacerdos de his non sanè iudicare potest, nisi qui cōmisit, ea recenscat & cōfiteatur, & hæc sua quasi vulnera ipse aperiat.

Ita

IN NEGOTIO RELIG.

Itaque quatenus ad sananda hominum delicta, pœnitentiæ remedium monstratum est, eatenus etiam confessio pœnitentis, cum enumeratione peccatorum nobis cômendata videtur . Quare ut Sacramentum pœnitentiæ tanquàm salutare & necessarium probandû est populo Christiano, Ita etiam ipsa Confessio & peccatorum enumeratio : quæ ut non nimis laxanda , ita vicissim non nimis astringenda . Delicta enim quis intelligit ? Itaque enumeranda sunt peccata , quæ non quidem anxie nimis , sed tamen diligenter cogitanti & sese excutienti, in mentem veniunt . Quæ autem in mentem non veniunt, generali confessioni rectè includuntur, & nihilo minus re-nittuntur, quàm si ea confitendo enumerasset. Et quoniam hic ex absolutione quæritur venia, non tantum oneris imponit Confessio, quantû côsolationis absolutio credeti affert.

Iam etsi illa satisfactio, quæ culpam & æternam pœnam expiat , soli Christo tribuenda est : Satisfactio tamen , quæ in pœnitentiæ fructibus consistit , maximè autem in ieiunio, eleemosyna & oratione, siue à nobis ipsis suscepta, siue à Parochis & dispensatoribus Sacramentorum iniuncta: Si ex fide & charitate peragitur, peccatorum causas excindit, & peccati reliquijs medetur , ac temporalem pœnam vel tollit vel mitigat, & in exemplum denique adhibetur.

Psal. 18.

S. C. M. DECLARATIO

Sed vt ad absolutionē Sacerdotis in qua cōstitit vis Sacramēti pœnitentiæ redeamus; Forma eius & verbū tale esse debet, vt qui confiteatur audire atq; intelligere possit, sibi virtute, merito ac beneficio Christi peccata remitti, iuxta huius institutum & verbum: Quorum remisieritis peccata, remittuntur eis. Nam hoc
Ioan. 20. munus est Dei, cū ministerium sit Sacerdotis, Vt verbis Ambrosij vtamur.

DE SACRAMENTO

Eucharistiæ.

Qui iam per Sacramentum pœnitentię reuixit in domino, ei item necesse est ali, & in bono spiritali crescere. Instituit igitur Christus Sacramentum Eucharistię, sub visibili specie panis & vini, quod verum Christi corpus & sanguinem nobis præbet, & hoc spiritali cibo vnit nos sibi, vt capiti & membris corporis sui, vt in ipso ad omne bonū enutriamur, & cum sanctis in eorumq; communionē augescamus per charitatem.

1. Cor. 10. Vnus enim panis, vnum corpus multi sumus, omnes qui ex vno pane participamus, inquit Paulus. Forma autem huius Sacramenti, sunt
Lucæ, 22. verba illa solemnia, quæ Christus ipse dedit, Hoc est, corpus meum. Et iterum: Hic est enim calix sanguinis mei, &c. Quod si igitur Christo & verbo eius tantū tribuimus, quantum debemus, dubium non est, quin simulac verba eadem accedunt ad panem & vinum, ex

IN NEGOTIO RELIG.

his fiat verum corpus & verus sanguis Christi, quatenus panis ac vini substantia in verum Christi corpus & sanguinem transmutatur. quod qui negat, Christi omnipotentiam in dubium vocat, & eundem ipsum vanitatis insinuat. quò magis cavendum est, ne indignè hoc Sacramentum sumatur. Scriptum est enim: Nam qui edit aut bibit indignè, iudicium sibi edit ac bibit, non dijudicans corpus domini. Propter hoc multi inter vos infirmi sunt ac imbecilles, & dormiunt multi. Indignè autem sumit Sacramentum illud, quicumque aut aliter de eo sentit quàm oporteat, aut non verè resipiscit. Nam ut Augustinus inquit, Mutet vitam, qui vult accipere vitam. nam si non mutet vitam, ad iudicium accipiet vitam: & magis ex ipsa corrumpitur quàm sanetur, magis occiditur quàm vivificetur. Itaq; probanda est consuetudo Ecclesiæ, quæ hominem nō antè ad Sacramentū Eucharistiæ ducit, quàm pœnitentiæ Sacramentū eū repurgarit. Habet Eucharistia vim roborandi in bono spirituali, cui rei non sanè ullus est locus, nisi repurgatio peccatorum antecesserit: in quo ipso imitari debemus bonos medicos, qui non ante præbent quæ roborare ac confirmare possunt, quàm malos humores è corporibus eiecerint: quod nisi fecerint, non prosunt ægroto, sed magis obsunt. Iam quanto maior hic adhibenda est cautio;

1. Cor. II

S. C. M. DECLARATIO

ne indignè sumas, tantò plus consolationis capiunt, qui Eucharistiam dignè ac piè sumunt, & cogitant se panè è cælo descendente, qui vitam dat mûdo velci, & ex hoc verum atq; spirituale robur contra omnia mala percipere.

Ioan. 6.

DE SACRA VNCTIONE.

Sacramèta quæ paulò superius posuimus magnam sanè & multiplicem vtilitatem generi humano adferunt: dum aut ex vetustate carnis languentes regenerât, aut regeneratos in gratia, quam acceperunt, confirmant: aut relapsos in gratiam, vnde deciderunt, restituunt: aut restitutos Christo firmitus vniunt: in quem vsum, eumq; salutarem, non deest Sacramentis gratia Christi. Sed hæc potius per eadē velut instrumèta hominibus tribuitur. Quanq̃ igitur horū Sacramentorū vtilitas latissime per omnē vitā patet, tamen ne homo cū ægrotat desideret subsidiū peculiare, quod hoc eius periculosissimo tempore vel corpori ipsius subuenire, vel animā cōtra ignita sathanæ tela munire possit, instituta est vñctio sacra, ad quam oratio Ecclesiæ accedat. Hanc vñctionē primi exercuerunt apostoli, q̃ mandato Domini ad prædicandum Euangelium missi, dæmonia eiiciebant, & oleo ungebant multos infirmos, & sanabātur. Quæ utiq; sacramentalis & mystica, non medicinalis aut corporalis vñctio fuit: ad quam inter initia fidei, externa etiā corporis sanitas, quasi quoddam

Mar. 6.

IN NEGOTIO RELIG.

dam internæ sanationis signum,consequēbatur: quemadmodū in alijs Sacramētis ad commendationem & cōfirmationem rudis adhuc fidei interna virtus,externis & sensibilibus signis & miraculis demonstrabatur: nunc verò adulta & corroborata fides , signa quæ infirmis dantur,non requirit. Huius mysticæ & salutaris vnctionis, à Domino fundatæ, ritum, quo administrari eam conueniat,apostolus Iacobi, 5. promulgauit: Infirmatur quis in vobis, inducat presbyteros Ecclesiæ , vt orent super eum , vngentes eum oleo in nomine Domini, & oratio fidei saluabit infirmum,& alleuiabit eum Dominus,&c. Quāti autē in Ecclesia esse debeat testimonium fratris illius Domini: testimonium dicimus , imò verò promulgatio, quam cum fecit legatus atq; apostol⁹ Christi, Christus vt à se factam procul dubio ratam habuit. Qui igitur contemnit hoc Sacramētum, Christum ipsum cōtemnere,& gratiam,quam hic per vnctionem sacram nobis quodammodo porrigit,aspernari videtur: atq; hoc fuerit tanto periculosius , quanto grauius est discrimen,in quo ægrotus versatur:non solum corporis, sed etiā animæ,in quod potestates tenebrarum eum adducunt, quatenus in extremo vitæ tempore oēs quasi machinas ad extinguēdam salutem hominis admouent , eiusq; animum terroribus incredibilibus frangere,& in desperationem impellere conantur.

S. C. M. DECLARATIO

Vnctionem quidē hanc sacrā solis infirmis adhibendā Iacobus apostolus insinuat : quod reliqui etiam apostoli seruauerūt. nō tamē in omnibus, sed periculosis modō infirmitatib⁹, & vbi vitę hui⁹ interit⁹ timetur exercēda est.

DE SACRAMENTO

Ordinis.

Quod autem ad ministeria Ecclesię attinet, quantō hęc maiora sunt, tantō magis dono Dei ac gratia egēt. Quā enim Christiani oēs sunt sacerdotes, quatenus spirituales hostias Deo offerre, & nomē itē eius in omī loco vtiliter inuocare possunt: non oēs tamē sunt Ecclesię ministri : sed iam inde ab ortu Ecclesię segregati sunt quidā in ministeriū Ecclesię, qui huius muneribus fungentur: & eosdē ita distinxit Deus, ne iidem oīa possent, néve ex p̄miscua illa ratione perturbatio nasceretur, neq; eī Deus est cōfusiōnis autor. Institutū est igitur sacramentū Ordinis cum signo impositionis manū, & alijs huic sacramēto cōgruentibus ritibus: quo q̄ consecrarentur ad munera Ecclesię, acciperēt gratiā, quā ad eandē ipsa munera administranda, apti, habiles, ac idonei efficerentur. Hinc illud Apostoli ad Timoth. Noli negligere gratiam quę in te est, quę data est tibi per prophetiam, cum impositione manuum presbyterij. Hoc autē Ordinis sacramentū verbis Christi nititur: Sicut me misit pater, & ego mitto

vos

IN NEGOTIO RELIG.

vos: Accipite spiritū sanctū, quorū remisistis peccata, remittuntur eis. Item: Euntes in mundum vniuersum prædicate Euangeliū omī creaturæ. Itē: Euntes docete oēs gentes, baptizantes eas. Itē. Hoc facite in meā cōmemorationē. Quib⁹ igitur in perpetua Ecclesię successionē manus imponunt Episcopi, vt ordinibus initientur, potestātē muneris sui exequendi dāt. quæ sanē duplex est: Ordinis videlicet, & Iurisdictionis. sub alteram cadit ministeriū verbi diuini, administratio sacramentorum, & Ecclesiarum ordinatio ad ædificationem: sub alteram vero potestas excōmunicandi, & pœnitentes absoluendi. Ordines aut, quos catholica Ecclesia agnoscit, sunt hi septem: Presbyterorū, Diaconorū, Subdiaconorū, Acoluthorum, Lectorum, Exorcistarum, Ostiariorum: quibus distincta munera, eaq; aut necessaria Ecclesijs, aut vtilia assignari debent, vt faciliē appareat, eum de Ecclesia Christiana male mereri, quicumque Ordines hos vel spernit, vel tollit.

DE SACRAMENTO

Matrimonij.

Instituerat Deus in paradiso Matrimonium, quo mas & fœmina ad perpetuam indiuiduam vitæ societatem coniungerentur, iuxta verbum Domini: Quamobrem homo relinquet patrem, & matrem, & adhærebit v̄xori suæ, & erunt duo in carne vna. Quan-

S. C. M. DECLARATIO

Quamquam autem Matrimonium, ad tam arctam
 hominum societatem institutum erat, tamen sub
 lege patrum, matrimonia à prima institutio-
 ne duobus modis degenerauerunt: videlicet,
 ut & unus plures uxores duceret, & ductam
 aliquando, dato libello repudij, à se dimitteret:
 quorum prius ex dispensatione Dei permissum,
 futuri temporis mysterio seruiebat, ut per plu-
 res unius viri uxores insinuaretur Christum tam
 ex synagoga, quam ex gentium multitudine Ecclesiam
 sibi collecturum, & ipsam sibi adiuncturum, &
 ut fecunditate plurium uxorum Christo saluatori
 ex eorum semine nascituro seruirent. Repudium
 verò Moyses populo ob duritiam cordis permi-
 sit: leuius ducens, uxorem à viro odio habitam
 dimitti, quam occidi: ut cæde eius nouis nuptijs
 locum aperiret. Verum postquam plenitudo gratiæ
 venit, ut alia, quæ vel in cælo vel in terra essent
 restaurauit Christus, sic etiam matrimonium resti-
 tuit. Hinc illud Christi: Qui fecit hominem ab
 initio, masculinum & feminam fecit eos, & dixit:
 Propter hoc dimittet homo patrem & ma-
 trem, & adhærebit uxori suæ, & erunt duo
 in carne una: itaque iam non sunt duo, sed una
 caro. Quos igitur deus coniunxit, homo non se-
 parat. Et paulò post: Moyses ob duritiam cor-
 dis vestri permisit vobis dimittere uxores ve-
 stras: ab initio autem non fuit sic. quamobrem qui-
 cunque dimittit uxorem suam, nisi ob fornicationem
 & aliam duxerit, moechatur. Quod Apostolus

in-

IN NEGOTIO RELIG.

interpretatur, cū ait: ijs q̄ matrimonio iuncti sunt præcipio, non ego, sed Dominus, vxorē à viro nō discedere: quòd si discesserit, manere innuptā, aut viro suo recōciliari.

Hæ itaq; Christiani matrimonij singulares conditiones manifestis scripturæ testimonijs cōprobatur: vna, vt sit matrimoniū duorū tantum, hoc est, viri vnus cum vna muliere coniunctio: Duo, inquit, erunt in carne vna. Nec sic iunctis liceat, defraudato coniuge suo, alicui tertio corporis sui potestatem permittere, prohibente Apost. & dicente: Mulier potestatem corporis sui non habet, sed vir. Similiter & vir nō habet potestatem sui corporis, sed mulier. Altera conditio est, vt vinculum coniugij inter duos semel colligatū, nullo amplius diuortio, sed sola alterutrius morte dissoluatur. **Roma. 7.** Nam quòd Christus ob fornicationē dimitti posse vxorem insinuat, hæc separatio thori & mensæ consuetudinē inter coniuges scindit, vinculum coniugij non soluit, ita vt adulteriū committat, sic vt alienam contrectans vxorē, quisquis sic dimissam duxerit. **Mat. 19.**

Quoniā igitur Christus matrimoniū gratia sua melius fecit, & arctiori quasi vinculo constrinxit: vt quemadmodū Christus vnus Ecclesię vnus est sponsus, idq; indissolubili nexu sic vnus vxoris vnus sit maritus, idq; perpetua cōiunctione: & similiter atq; Christus cū Ecclesia sponsa sua perpetuò iungitur. **Quare** **Ephē. 5.**
ma

S. C. M. DECLARATIO.

matrimonium non solum cōiunctio est maris atq; fœminæ, sed etiā Sacramentū, ob gratiam Christi, quæ ei nunq̃ deest: vt cū vir vxorem suā diligere possit, perinde quasi Christus Ecclesiam, sic ille cum hac colat vitæ societatem indiuiduam, vt vna sit in perpetuum contentus: nec cum hac in vita diuortium faciat, exceptis causis, quæ iure diuino explicantur.

Ac quoniā Deus fouet matrimoniū gratia sua, idemq; approbat, quatenus cōiuges inter se matrimoniū contrahunt, signum datur illustre, ad sperandū consuetudinem ipsorum cū bonam esse per se, tum Deo gratam. Et quanquam prolis procreandæ causā matrimonium potissimum contrahi debet, tamen qui contrahit etiam fornicationis vitandæ causā, non peccat. Habeat enim vnusquisq; vxorem suam propter fornicationem, inquit Paulus.

1. Cor. 7

Vis igitur Sacramenti huius est, vt intelligant coniuges se non humana, sed diuina auctoritate coniunctos gratiam accepisse, qua ipsis legitimus congressus non imputetur ad culpam: qua item Christianus vxorem gentilem cum eo manere volentē sanctificet, & sanctos, hoc est, Deo dicatos filios procreet: qua deniq; perpetuam fidem coniugi seruet, vt sint duo in carne vna: & qua mulier fidelis salua fiat in procreatione filiorum, si perman- serit in fide, & dilectione, & sanctificatione

1. Cor. 7

1. Tim. 2 cum sobrietate. Itaque matrimonium hono-

IN NEGOTIO RELIG.

rabile, in eoque thorus immaculatus esse po- Heb. 13.
 test. Quod cum Manichæi, Taciani, & Encra-
 tice ignorarent, matrimonium reprehende-
 re non dubitarunt: quam eorum sceleratam
 temeritatem, à doctrina dæmoniorum profe-
 ctam, apostolus Paulus damnat. 1. Tim. 4.

Ac quoniam vinculum matrimonij tale est
 omnino, tantamq; vim habet ad coniungen-
 dum, ut non sit vllum coniunctionis humane
 vinculum, quod magis cōstringat. Quod cum
 agnosceret Adam in paradiso, sic de muliere,
 quam Deus è costâ corporis ipsius ædificauit. Genes. 2.
 loquutus est: Hoc nunc os de ossibus meis,
 & caro de carne mea, ob hoc vocabitur virago,
 quoniam de viro sumpta est. Quamobrè relin-
 quet homo patrem & matrē, & adhærebit vx-
 ori suæ, & erunt duo in carne vna. Itaq; cum pa-
 tria potestas huic inter coniuges coniunctio-
 ni summo iure cedat, audiendi non sunt, qui
 volunt hoc tempore, matrimonium vel spon-
 salia cōtracta scindi, & irrita esse, si parentum
 consensus non accesserit. Nihil hic detrahi-
 mus obedientiæ, quam liberi parentibus de-
 bent: sed nolumus parentes in impediendis
 aut dirimendis matrimonijs potestate sua ab-
 uti. Quia tamen censemus honestatis esse, ut li-
 beri, sine consilio & parentum consensu non
 contrahāt matrimonium, huius officij sui per
 Concionatores sedulò admonendi sunt.

An verò parentib⁹ potestas p̄mitti debeat in
 hoc

S. C. M. DECLARATIO

hoc casu, liberorum inobedientiam, derogatione, aut saltem diminutione dotis, aut aliqua alia via puniendi, de hac re ordinarię potestati cura relinquenda videtur.

DE SACRIFICIO MISSÆ.

VT religionē, sine qua nulla gens viuit, ius naturę introduxit, sic etiam ceremonias, sine quibus religio coli nō potest nec solet. In ipsis verò ceremonijs externam oblationem, velut præcipuam, omnes omnium seculorum gentes obseruauerūt: quę etsi (teste Cypriano) circumcisionē velut crudelem & naturę inimicam horruerunt, non tamen similiter repudiarūt reliqua sacrificia: sed in multis legem naturę sequentes, expiationum retinuerunt instrumēta, & immolare victimas, & incendere adipēs, & libaminibus fundere coram Deo vota & preces, cultu cum ipsa natura hominibus insito, & per omnium animos diuinitus vulgato perseuerauerunt. Sed & hoc commune, & omniū animis affixū omnes gentes tenuerunt, vt externę oblationis cultum vni Deo deberi magno consensu existimarent. Nemo enim externa oblatione colendum vnq̃ censuit, nisi quē Deum esse aut sciuit, aut putauit, aut finxit, cuius cultus antiquitatem duorum fratrum, Cain & Abel, sacrificia comprobant: quorum priorem, simul & munera eius auersatus reprobauit Deus: minoris verò oblationem placatus aspexit.

Hunc

IN NEGOTIO RELIG.

Hunc verò sacrificandi ritum, Deus (volens omnes homines saluos fieri) mentibus hominum hac de causa diuinit⁹ inſeuit. Cum enim propter vnius hominis peccatum, vniuerſum genus humanum iræ Dei, & iuſtę damnationi obnoxium teneretur, tantoq; grauior & periculoſior illis damnatio immineret, quâto magis peccata peccatis accumulando, iuſtam Dei iram contra ſe incitabant, Deus nolens peire quos condiderat, mediatorē & reconciliatorē humano generi deſtinauit, qui nos cum autore noſtro reconciliaret, & iuſtam Dei iram ſingularis ſacrificij oblatione placaret. Deus igitur magnæ dilectionis filium ſuum carne noſtra circumdatū, miſit in mundū: qui peccata noſtra in ſe ſuſcipiēs, in corpore ſuo ea pertulit in cruce, & ſemetipſum pro nobis hoſtiam appendens, per propriū ſanguinē in Sancta ſemel ingreſſus, æternā redemptionē adinuenit.

Huius precioſiſſimæ hoſtiæ nidore delin-
 teus pater, iram remiſit: & homines prius peccatis immerſos, impuros, & iniuſtos, & damnationi obnoxios, nunc filij ſui ſanguine ablutos abſoluit, iuſtificauit, ac ſibi reconciliauit.

¶ Huius vnice oblationis virtus atq; effica-
 cia, non illi modò tempori ſeruieus, quo Chri-
 ſtus in carne hoſtiam ſe appendit: ſed omnes
 omnium ſeculorum ætates complectens, om-
 nium hominū, qui ab origine mundi fuerunt,
 & in finem vſq; ſeculi naſcitur ſunt, delendis

D

pec-

S. C. M. DECLARATIO

peccatis sufficit. Vere enim Deus erat in Christo mundum sibi reconcilians. Et: Ecce agnus Dei, qui tollit peccata mundi. Et ipse est propiciatio pro peccatis nostris: & non pro nostris tantum, sed pro totius mundi. Mundus autem non unius temporis, sed omnium ætatum homines comprehendit. Hinc in Apocalypsi Christus agnus dicitur, ab origine mundi occisus: quoniam sanguis eius omnium ætatum iam inde ab initio mundi delicta emundavit.

De hac oblatione, quæ ad totius generis humani reconciliatiõne una sufficit, Paulus ait: Unica oblatione consummavit in æternũ sanctificatos. Et quia in ipso complacuit omnem plenitudinem inhabitare, & per eum reconciliari omnia in ipsum, pacificans per sanguinem crucis, siue quæ in terris, siue quæ in cælis sunt. Et: placuit instaurari omnia in Christo quæ in cælis, & quæ in terra sunt in ipso. Et in Esaia: Torcular, inquit, calcaui solus. Et: Cuius liuore sanati sumus.

Vt vero huius tam efficacis oblationis, quæ omnium hominum salutem plenissime, sufficientissime & perfectissime meruit, omnes homines participes fierent, & eius fructũ in se transferret, Deus ab initio mundi sub lege naturæ, diuina inspiratione in animis hominum sacrificandi ritum excitauit, & mox data lege diuersa sacrificia monstrauit: quorum omnium hic usus erat, non ut homines Deo reconciliarent, & salu

IN NEGOTIO RELIG.

lute[m] ipsa mererentur: sed ut per hæc externa sacrificia venturi sacrificij, in quo redemptionem omniū Deus promiserat, memoria in animis hominum subinde excitaretur, fides confirmaretur, & fructus eius credentibus, & in virtute venturi huius sacrificij sperantibus applicaretur: & ut quoties ista sacrificia celebrarentur, homines tum aliorum beneficiorum Dei, quæ continua eius benignitate accipiebant, tum salutis suæ per promissum reconciliatorē accipiendæ, gratis animis recordarētur.

Nullum itaq; siue sub naturæ, siue sub Moy si lege, sacrificiū per se Deo placebat: quippe qui ijs, quæ offerebantur, se non indigere sæpe protestatus est. Si esuriero (inquit) non dicam tibi. meus est enim orbis terræ, & plenitudo eius. Nunquid manducabo carnes taurorum aut sanguinem hircorum potabo? Sed quatenus hæc visibilia sacrificia inuisibilis & futuri sacrificij sacramenta erant, si quis ea in fide à Deo promissi reconciliatoris obtulisset, hoc agens his externis sacrificijs, ut fidem in venturum in Christum ostenderet, & salutaris istius sacrificij fructum, quem iam & fide conceperat, & firma spe expectabat, in se transferret, & Deo pro tantis beneficijs animi sui gratitudinem declararet: utiq; talia sacrificia, & Deo grata, & offerenti salutaria erant, nulla quidē sua propria, sed futuri sacrificij virtute quam per fidem offerenti applicabant.

S. C. M. DECLARATIO.

Heb. 10.

Et ut ratio sacrificiorum disertè intelligatur, vnicum est sacrificium meritorium, cuius virtus delendis hominum peccatis efficax, homines à Deo alienatos, ac iræ eius ac damnationi obnoxios reconciliauit, & æternam salutem & redemptionem toti hominum generi meruit. Illa videlicet Christi victima salutaris, qua pro delictis hominum in cruce se hostiam appendens, in æternum consummauit sanctificatos: cuius meritum non accipit augmentum, quia perfectum est: nec diminuitur, aut exhauritur, quia æternum est. Vnde & reliqua omnia sacrificia nihil huic sacrificio superaddunt, nihilque ipsa per se merentur, sed vnicę huius oblationis fructum credentibus applicant, & ad excitandam & retinendam in animis hominum huius vnicę oblationis memoriam & fidem confirmandam, & pro omnibus Dei beneficijs declarandam gratitudinem, seruiunt.

Sunt autem huiusmodi applicatoria sacrificia quædam omnibus legibus communia, & promiscuè omnibus hominibus permissa: qualia sunt, sacrificium contribulati cordis, & humiliati spiritus, & ob colendam pietatem susceptæ carnis afflictiones: sacrificium labiorum, precum, gratiarum actionis & laudis, & si qua sunt similia. Quædam verò semper fuerunt vniuscuiusque legis propria, & certis hominum officijs alligata, à quorum oblatione alij magnis comminationibus & poenis arcebantur. 1. Regum. 13.

IN NEGOTIO RELIG.

2. Paralipome. 26. Nec vlla lex, quemadmodū
nec vlla gentiū religio sacrificijs caruit. Hæc Hebræ. 7.
enim tria colligata sunt, & seinuicē necessario
consequuntur: Lex, sacerdotiū, & sacrificium.

Sic itaq; sub lege naturæ iusti homines &
de Dei promissionibus edocti, in eum quē fu-
turū sciebant saluatore credentes, sacrificia of-
ferebant, quorum oblatione futuræ salutis fi-
dem & spem, & pro ea gratitudinē suam de-
clarabant, & eius, quod futurum expectabāt,
salutaris sacrificij meritis adiuuari ambiebāt.
Hunc morem cæteræ gentes occulta inspira-
tione animis eorum insita imitantes, nō qui-
dem verū Deum, sed quem Deū aut putabāt,
aut fingeant, sacrificijs placare voluerunt.

Lex verò per Moysen data, ad legem naturæ
accedens, non vt eam tolleret, sed vt meliore
redderet, oblationes externas instituit, quæ &
præfigurarēt futurū Christi sacrificiū: & quo-
ties eas celebrarēt Iudæi, tū aliorū beneficio-
rum Dei gratis animis recordarentur, tum il-
lius venturi sacrificij virtutē, in se credēdo, &
sperando, & orando transferrent.

Christus autē qui non venerat legē soluere
quatenus vel naturalis vel moralis erat, sed eā
potius adimplere, cū nouā legem suam, de
qua iam antè per Hieremiam promiserat, in Hier. 31.
mundum induceret, ne eam solam in hac par-
te contra præcedentium legum communem
morem mancā aut imperfectiore relinqueret,

S. C. M. DECLARATIO

peculiari sacrificio pariter & sacerdotio eam intruxit. Siquidem necesse fuit, iuxta Apostoli sententiam, succedente noua lege, etiam sacrificium huic legi peculiare consequi. Hebre. 7. Et sacerdotes velut huius sacrificij ministros assumi. Hebreor. 5.

In qua legis parte sanè bona, sancta & pia, idē Dominus noster Iesus Christus, ne ecclesię suę deesset, in vltima cœna, cū gratias egisset deo, sacramentū corporis & sanguinis sui instituit: duplicē eius vsum statim commendans, vt à fidelibus velut animæ salutare alimentum sumeretur. Accipite, inquit, & comedite, & vt in memoriam passionis suę offerretur. Cuius oblationis ministeriū apostolis, velut nouę legis sacerdotibus contradens, Hoc, **Mat. 26.** inquit, facite, in mei commemorationem.

Quemadmodum igitur ante Christi aduentum Deus patribus certa quędam sacrificia tradidit, quibus magni istius sacrificij, quod futurum ipsi expectabāt, memoriam in animis suis excitarent, fidem stabilirent, & fructum eius credendo & orando sibi applicarent, & per eorum oblationem beneficiorum Dei gratis animis recordarentur: sic Christus Ecclesię suę mundam & salutarem corporis & sanguinis sui oblationem sub speciebus panis & vini commendauit, qua corporis eius in cruce pro nobis appenti, & sanguinis effusi, in memoriam subinde in animis nostris renouaremus, & fru

IN NEGOTIO RELIG.

fructum illius oblationis cruetæ, quæ in æter-
num consummavit sanctificatos, in nos trans-
ferremus. Hoc est enim facere in memoriam
eius, id est, gratis animis commemorare mortem Heb. 10.
Domini, & per memoriã & meritũ passionis
eius deprecari patrẽ ut nobis reconcilietur.

Hæc est munda & salutaris oblatio illius uni-
ci sacrificij, quo omniũ salus comparata est;
rememoratiua, non solum significans, sed se-
ipsa in se comprehendens veritatem illarum
ferarum, quas quætorum oblationes olim præ-
signabant: eadem nimirum corporis & san-
guinis Christi hostia, quæ in cruce est oblata
non alia. Idem agnus, non alius, & vnus, vtro-
biq; Christus, sed tunc cruento & passibili mo-
do oblatus est: qua oblatione omnibus cre-
dentibus remissionem peccatorum & redem-
ptionem sufficienter impetrauit. Nunc vero
eundem sub mysterio, & modo in cruce, &
impassibili offerimus: non ut peccatorum re-
missionem, & animarum nostrarum salu-
tem iam primum promereamur, sed ut pas-
sionis dominicæ memoriã recolentes, Deo
gratias agamus pro salute nobis in cruce im-
petrata, & ibi promeritam peccatorum remis-
sionẽ & redemptionẽ, fide & deuotione nobis
applicemus & appropriemus.

Hanc tam salutarem victimam in spiritu
præuidit Malachias, cum ait: Non est mihi vo-
luntas in vobis, dicit Dominus exercituum, Mala. 1.

S. C. M. DECLARATIO

& munus non suscipiam de manu vestra : Abortu enim solis vsq; ad occasum, magnum est nomen meum in gentibus, & in omni loco sacrificatur, & offertur nomini meo oblatio munda. Quod vaticinium de solis spiritualibus sacrificijs accipi non potest, quæ nullius legis propria, sed omnibus temporibus communia existunt, & cum sacrificijs veterum semper commixta durauerunt. At ipsa verborum serie satis conuincitur prophetam loqui de Sacrificio, quod sublati veteribus sacrificijs in locum eorum erat successurum. Vnde recte hæc verba de sacratissimo Christi sacrificio accipiuntur: non illo quidem, quo se in cruce pro peccatis generis humani obtulit (illud enim nec inter gentes, nec in omni loco, sed in Iudæa consummatum est) sed quod ex gentibus congregata Ecclesia per totum terrarum orbem offert ad recordationem mortis Domini, & ad virtutem eius in credentes transfundendum. Atq; hic loci illius intellectus luculentis patrum testimonijs roboratur. Ireneus lib. iij. contra Hæreses cap. xxxij. Eum qui ex natura panis est, accepit ac gratias egit, dicens : Hoc est corpus meum. Et calicem similiter, qui est ex ea creatura, quæ est secundum nos, suum sanguinem confessus est, & noui Testamenti, nouam docuit oblationem: quam Ecclesia ab Apostolis accipiens, in vniuerso mundo offert Deo. De quo in duodecimi Prophetis Malachias sic præsigna

IN NEGOTIO RELIG.

signauit : Ab ortu solis vsq; ad occasum nomē meum glorificatur inter gentes, & in omni loco incensum offertur nomini meo, & sacrificium purū. Aug. Nouerint, inquit, qui legunt, quid protulerit Melchisedech, quando benedixit Abraham. Etsi iam sunt participes eius, vident tale sacrificium nunc offerri Deo toto orbe terrarum. Vnde alius Propheta dicit, ad eum qui secundum carnem est Israel: Non est mihi voluntas in vobis &c. Ambrosius de hoc nouæ legis Sacrificio testatur: Antè agnus offerebatur, offerebatur vitulus: nunc Christus offertur, quasi recipiens passionem, & offert seipsum quasi sacerdos. Chrysostomus: Nōne per singulos dies offerimus? Offerimus quidē sed recordationē facientes mortis eius, & vna est hæc holtia, nō multæ. Quomodo est vna & non multæ? & quia semel oblata est illa, oblata est in sancta sanctorū: Hoc autem sacrificiū exemplum est illius, idipsum semper offerimus, Nec nunc quidē alium agnum, crastina aliū, sed semper idipsum &c. Athana. In æternum, inquit, Christi est sacerdotiū: quia quotidie offertur per ministros Dei oblatio, Christum & pontificem habens & sacrificium.

Hanc vero oblationē, quam Ecclesiæ in recordationē mortis suæ faciendā Christus commendauit, prius ipsum in cœna exercuisse, & patri seipsum sub speciebus panis & vini obtulisse, magni testes comprobant: inter quos

Augu. cōtr.
aduēr. leg.
lib. 1. ca. 20.

Da-

S. C. M. DECLARATIO

David, Christū appellās sacerdotē secundū ordinē Melchisedech, satis ostendit, Christū sacrificio panis & vini, figurā, quę in Melchisedech sacerdote præcesserat, adimplesse: De qua re Sanctus martyr Cyprianus lib. ij. epist. iij. Quī ordo utiq; est de illo sacrificio veniēs, & inde descendens, quōd Melchisedech sacerdos Dei summi fuit, quōd panē & vinū obtulit, quōd Abrahā benedixit. Nam quis magis sacerdos Dei summi, quā Dominus noster Iesus Christus, qui sacrificiū Deo patri obtulit, & obtulit hoc idem quod Melchisedech obtulerat, id est, panē & vinū, suū scilicet corpus & sanguinem? Et mox ut in Gen. Ut per Melchisedech sacerdotē benedictio circa Abrahā posset ritē celebrari, præcedit antē imago sacrificii, in pane & vino scilicet cōstituta: quā rem perficiēs & adimplens Dominus, panē & calicē mixtum vino obtulit: & qui est plenitudo, veritatem præfiguratę imaginis adimpleuit. Arnob. Hic, inquit, de Christo loquens, quī per mysterium panis & vini sacerdos factus est in æternum, secundū ordinē Melchisedech, qui panē & vinū solus obtulit in sacerdotibus: dū Abrahā victor reuerteretur de prælio. Damasc. pane & vino sūlcepit Melchisedech Abraham ex eade alienigenarū, qui erat sacerdos Dei altissimi. Illa mensa hanc mysticā præfigurauit mēsam, velut & sacerdos ille Christi veri sacerdotis præfiguratā præ se ferebat imaginē: Tu

IN NEGOTIO RELIG.

es inquit, sacerdos secundum ordinem Melchisedech. Similia multa testimonia inueniuntur apud Hierony. ad Euagriū. Augustin. de doctrina Christiana. lib. iiii. ca. xxi. Ambro. de Sacrament. li. iiii. Chrysostomū, Theophylactū.

Secundum hæc sacræ scripturæ, & sanctorum patrum testimonia, catholica Ecclesia duo sacrificia Christi agnoscit, eadem secundum substantiam, sed secundum rationem & ritum offerendi multum diuersa. Vnum in cruce cruentum: alterum quo in cœna sub panis & vini specie corpus & sanguinem suum ipse Sacerdos iuxta ordinem Melchisedech patri obtulit, perpetuum condens nouæ legis sacrificium, quod Apostolis suis ac successoribus ipsorum, vt ad finem vsque seculi in memoriam ipsius facerent, commendauit. Horum vt modus offerendi diuersus, sic & vsus discretus est, cruento suo sacrificio Christus totius mundi reconciliationem & propitiationem pro peccatis, & plenam omnium redemptionem impetrauit: Alterum verò Sacrificium ad recordationem cruenti sacrificij institutum & Ecclesiæ commendatū est, quo Christum impassibili & inuictō modo sistimus patri: non vt remissionem peccatorum, & redemptionem de nouo mereamur, sed vt in cruce meritam, fide & deuotione nobis applicemus, Christi iussione sequentes, qua iussit, vt hoc in memoriam
sui

S. C. M. DECLARATIO

sui faceremus, id est, ut per memoriã & meritum passionis suæ patrē pro reconciliatione nostri & peccatorū remissione, & animarū nostrarū salute, proq; corporū ac rerum nostrarum incolumitate, deprecaremur.

Haftenus ostensum est, quibus rationibus & testimonijs sacrificiū Altaris subnixū subsistat. Nunc de ritu eius pauca subiiciantur.

In celebratione sacrificii altaris, nūc laudes dei, nunc fidelis populi preces, nunc gratiarū actiones, nunc scripturarum lectiones subinde admiscuntur. Vnde & laudis, & gratiarum actionis, & precum sacrificium rectē nuncupatur. Quo ritu Catholica Ecclesia, Christi exemplum refert: qui in cœnæ sacrificio pro incolumitate Ecclesiæ, quam in terris relicturus erat, multas preces ad patrem fudit, & tandem hymnis & gratiarum actione cœnam mysticam consummauit. Sed & hanc Pauli tam seriam commonitionem, qua in primis fieri voluit obsecrationes, orationes, postulationes gratiarum actiones pro omnibus hominibus, pro regibus, & omnibus qui in sublimitate constituti sunt, ut quietam & tranquillam vitam agamus in omni pietate & castitate, Ecclesia in celebratione sacrificii Altaris, iuxta Augustini sententiam plenē & examussatim obseruat, dum obsecrationes facit, antequam illud quod est in domini mensa, incipiat benedici. Orationes verò, cūm benedicetur & san-

Ioan. 17.

Matt. 26.

1. Tim. 2.

IN NEGOTIO RELIG.

sanctificatur: postulationes autem ceu interpellationes cum populus benedicitur, & misericordissime potestati commendatur: quib⁹ peractis, & participato Sacramēto, gratiarū actio cuncta cōcludit. Vide August. Epi. lix. ad Paulinū, Vbi ritū celebrādi sacrificii Altaris, qualē hodiē obseruat Ecclesia, perspicuē agnoscēs.

Sed & apud alios omniū ætatum viros Catholicos, hunc ritū receptum & confirmatum videre licet, qui admixtas in celebratione huius sacrificij preces & gratiarum actiones, & ipsam hostiam solemnī prece consecrari solitam, magno consensu meminerunt. De qua re Chrysost. in Matth. Homil. lxxxij. de sacerdotio, lib. iij. Basilii magnus de spiritu sancto, cap. xxvij. Theophyl. in cap. xiiij. Mar. Gregorius Epist. lxiii. ad Iohannem Episcopū Syracus. Ambrosius de Sacrament. lib. iij. ca. v. Qui & hunc canonem quo nunc vtitur Ecclesia, penē secundum singula eius verba passim in libris à se æditis, recenset.

DE MEMORIA SANCTORVM

in Altaris sacrificio fieri consueta, & de eorū intercessione inibi expetita, & obiter de Sanctorū inuocatione.

CVM itaq; in hoc Altaris sacrificio, immēsi istius beneficii memoriā recolam⁹ quo Christus semetipsum p totius corporis sui mystici, id est, pro omniū credentiū incolumitate et salute, Hostiam fecit, ibique se-

S. C. M. DECLARATIO

sui faceremus, id est, ut per memoriã & meritum passionis suæ patrē pro reconciliatione nostri & peccatorū remissione, & animarū nostrarū salute, proq; corporū ac rerum nostrarum incolumitate, deprecemur.

Hactenus ostensum est, quibus rationibus & testimonijs sacrificiū Altaris subnixū subsistat. Nunc de ritu eius pauca subiiciantur.

In celebratione sacrificii altaris, nūc laudes dei, nunc fidelis populi preces, nunc gratiarū actiones, nunc scripturarum lectiones subinde admiscuntur. Vnde & laudis, & gratiarum actionis, & precum sacrificium rectē nuncupatur. Quo ritu Catholica Ecclesia, Christi exemplum refert: qui in cœnæ sacrificio pro incolumitate Ecclesiæ, quam in terris relicturus erat, multas preces ad patrem fudit, & tandem hymnis & gratiarum actione cœnam mysticam consummauit. Sed & hanc Pauli tam seriam commonitionem, qua in primis fieri voluit obsecrationes, orationes, postulationes gratiarum actiones pro omnibus hominibus, pro regibus, & omnibus qui in sublimitate constituti sunt, ut quietam & tranquillam vitam agamus in omni pietate & castitate, Ecclesia in celebratione sacrificii Altaris, iuxta Augustini sententiam plenē & examussatim obseruat, dum obsecrationes facit, antequam illud quod est in domini mensa, incipiat benedici. Orationes verò, cū benedicetur & san-

Ioan. 17.

Matt. 26.

1. Tim. 2.

IN NEGOTIO RELIG.

sanctificatur: postulationes autem ceu interpellationes cum populus benedicitur, & misericordissime potestati commendatur: quib⁹ peractis, & participato Sacramēto, gratiarū actio cuncta cōcludit. Vide August. Epi. lix. ad Paulinū, Vbi ritū celebrādi sacrificii Altaris, qualē hodiē obseruat Ecclesia, perspicuē agnosces.

Sed & apud alios omniū ætatum viros Catholicos, hunc ritū receptum & confirmatum videre licet, qui admixtas in celebratione huius sacrificij preces & gratiarum actiones, & ipsam hostiam solemnī prece consecrari solitam, magno consensu meminerunt. De qua re Chrysost. in Matth. Homil. lxxxiiij. de sacerdotio, lib. iij. Basilius magnus de spiritu sancto. cap. xxvij. Theophyl. in cap. xiiij. Mar. Gregorius Epist. lxiij. ad Iohannem Episcopū Syracul. Ambrosius de Sacrament. lib. iij. ca. v. Qui & hunc canonem quo nunc utitur Ecclesia, penē secundum singula eius verba passim in libris à se æditis, recenset.

DE MEMORIA SANCTORVM

in Altaris sacrificio fieri consueta, & de eorū intercessione inibi expetita, & obiter de Sanctorū inuocatione.

CVM itaq; in hoc Altaris sacrificio, immēsi istius beneficii memoriā recolam⁹ quo Christus semetipsum p totius corporis sui mystici, id est, pro omniū credentiū incolumitate et salute, Hostiam fecit, ibique se-

S. C. M. DECLARATIO.

secundum domini exemplum & Apostoli cōmonitionem, pro totius Ecclesiæ incolumitate preces ad deum fundendæ, & pro omnibus eius beneficiis gratiæ agendæ sint, Ecclesia intra sese omnia sua membra colligens, eorum etiam memoriam facit, qui hac mortalitate exuti, apud dominū viuunt, & imprimis grata veneratione, Deo dilectos Sanctos completens, pro his gratias Deo agit, qui eos cū natura imbecilles essent, gratiæ suæ munere ita roborauit, vt vitia carnis superarent, & contra peccatum, diabolū & mortem, non sua, sed Dei virtute fortes, viriliter dimicando, coronam iustitiæ à iusto iudice impetrarent.

De huius gratiarum actionis pro sanctis antiquitate & cōsuetudine per totam Ecclesiam diuulgata, vide apud Dionysium Areopagit. Cyprianum lib.iii. Epist.vi. lib.iiii. Epist.v. August. de ciuit. lib.viii. cap.xxvii. lib.xxii. cap.x. contra Faustū, Man. lib.xx. cap.xxi.

¶ Nec solum veneramur Sanctos & pro his gratias agimus, sed eorum precibus & meritis in omnibus diuinæ protectionis auxilio muniri postulamus, recte sentientes, eos velut eiusdem communionis ciues, & corporis eiusdem membra, etiamnum vno spiritu & vinculo charitatis nobiscum colligatos, salutem nostram appetere, & malis nostris indolere: ideoque pro necessitatibus nostris apud communem Deum patrem, per Iesum Christum

IN NEGOTIO RELIG.

stum communem omnium mediatorem interpellare. Quod ut faciant, ipsum ius communionis, qua nobis iuncti sunt, simul & præceptum eos adducit. Orate (inquit Iacobus) pro inuicem ut saluemini: & charitas qua erga nos afficiuntur, suadet & monet, & ea qua apud Deum nunc pro se securi, & ab infirmitatibus & defectibus immunes viuunt, facultas, non prohibet, quodque eos in alia vita facere apertis scripturæ testimoniis cognouimus. ii. Mach. xv. Vbi Onias conspicitur manus protendens & orans pro populo: & alius vir ætate & gloria mirabilis, de quo dicitur: Hic est fratrum amator & populi Israel: Hic est qui multum orat pro populo & vniuersa sancta ciuitate Hierusalem, Hieremias propheta. & Zach. i. Angelus pro ciuitatibus Iuda interpellat: Domine exercituum usquequo non misereberis Hierusalem, & urbium Iuda, quibus iratus es?

Hac fide sicut eorum qui nobiscum in carne viuunt, ita & sanctorum apud Deum viuentium preces pro nobis postulamus, & ut pro nobis orent, eos nominatim appellamus, nec dubitamus quin ei qui potest omnia, facile sit efficere, siue per angelorum ministeria, siue alia sibi placita ratione & via, ut nostras petitiones sancti resciscant. Qui utique hoc præstat, ut angeli peccatoris conuersionem in celo cognoscentes, gaudio exultent.

Me

S. C. M. DECLARATIO

Merita vero sanctorum non talia esse asserimus, qualia in Christo inuenimus, qui semetipsum pronobis impendens, & sanguinem suum pro nobis fundens, plenam cum Deo reconciliationem mundo promeruit. Sancti vero merita sua, quibus & ipsi saluati sunt, & nobis suffragantur, ex eodem omnis salutis & totius meriti fonte, Christi videlicet passione, hauserunt. Non enim si iustitiae rigorem spectemus, cuius sanctorum operationes suae quantumuis virtutis se ad propriam salutem suffecissent, iuxta aliud: Non iustificabitur in conspectu tuo omnis uiuens. & illud Christi: Si feceritis omnia quae praecepta sunt vobis, dicite, quia serui inutiles sumus. Et illud Pauli: Non sunt condignae passionis huius temporis ad futuram gloriam quae reuelabitur in vobis. Ex Dei autem misericordia & liberalitate, & Christi gratia, non solum ipsis ad salutem sanctorum merita conducunt, sed etiam nobis ad protectionem & gratiae diuinae impetrationem prosunt, Deo in eis misericorditer complente, quod veraciter promisit, cum ait: Ego sum Deus fortis zelotes, visitans iniquitates filiorum, in tertiam & quartam generationem, eorum qui oderunt me, & faciens misericordiam in millia, ijs qui diligunt me, & custodiunt praecepta mea. Sic defuncti Abrahami merita filio Isaac profecerunt. Gene. xxvj. Et Iacob in hac religione nepotes suos erudiens, Nomen suum & patrum suorum super ipsos in

Psal. 142

Luc. 17.

Rom. 8.

Exod. 20

IN NEGOTIO RELIG.

inuocari edocuit. Genes. xlvij. Quod & Moyses plena fiducia fecit, Quiescat (inqt) ira tua, & esto placabilis super nequitia populi tui, Recordare Abraham, Isaac, & Israel seruorum tuorum. Exod. xxxij. Sic propter gratiam qua apud Deum valuit Dauid, vir secundum cor Dei, tota eius posteritas indulgentiam Dei, in commodum suum persæpe sensit. iij. Reg. xij. iij. Reg. xix. Esai. xxxvij. Ezech. xiiij.

DE MEMORIA DE-

functorum in Christo.

Dominus noster Iesus Christus secundum voluntatem patris, Hostiam redimendis hominibus salutarem, seipsum in cruce affigens, utiq; omnes eos qui hanc victimam suam saluandis hominibus iam inde ab origine mundi destinata, fide & voto præuenissent, vel insequentibus temporibus fidem amplexuri essent, intra seipsum, velut membra sua collegerat, volens passionis suæ fructum ad oēs pariter qui corporis eius membra unquam effecti essent, peruenire: unde Ecclesia communis huius sacrificij memoriam recolens, omnia sua membra pariter aduocare, nec quenquam eorum excludere debet, qui secundum domini liberalem voluntatem utilitatis huius sacrificij capax existit, Ideoq; quemadmodum prius sanctorum, ita postea etiam reliquorum Christianorum memoriam circa sacrificium altaris inducit, quos in vera Christi fide decessisse pie cre-

E dit:

S. C. M. DECLARATIO

dit: de quibus tamen satis certum esse nequit, utrum satis emundati & purgati hinc emigraverint. Aliam tamen sanctorum, & aliam aliorum in somno pacis quiescentium memoriam servat. Illorum quidem non ut oremus pro eis, sed magis ut orent ipsi pro nobis, ut vestigijs eorum inhæreamus: Horum vero, ut comuni Domino pro eis supplicemus, quatenus Deus omnibus in Christo quiescentibus, locum refrigerij, lucis & pacis indulgere dignetur, per Christum dominum nostrum.

Augu. in
Iohannē
tract. 84

Eos vero qui nos in signo fidei præcesserunt, ut à commercio orationum nostrarum non secludamus, ipsa communionis, quam cum omnibus sanctis cōstemur, ratio, disertè exposcit. Quippe qui etiam corporibus soluti, & spiritualibus tamē nexibus nobiscum cohærent, & vno spiritu velut eiusdem corporis membra nobis adglutinantur, & vinculo charitatis connexi, adhærent nobis, nec mors eos corporalis ex mystici corporis Christi compage præscindere aut separare potest.

Cum itaque talem orandi formam nobis Dominus insinuaverit, ut nemo pro sua tantum, sed velut magnæ communionis civis, pro omnium utilitate rogare debeat: & per Apostolum præcipiat, Nos pro inuicem orare ut saluemur, magnæ in consortes suos crudelitatis, & contra Dominum detestandæ temeritatis fuerit, si quis à commercio oratio-

num

IN NEGOTIO RELIG.

num nostrarum in Christo defunctos exclusit: quod eum facere nusquam scriptura precipit, & communionis spiritualis, quam cum sanctis omnes profitemur, ratio, disertè vetat.

Hanc autem consuetudinem per totam Christi Ecclesiam diuulgatam, qua circa altaris sacrificium memoria defunctorum adhibetur, ex apostolica traditione promanasse, magnis & fide dignis testimonijs abundè doceri potest. Dionysius Areopagita lib. Eccles. Hierarc. cap. vij. De prece super defunctis facienda, ex diuinis ducibus, hoc est apostolis, traditio peruenit ad nos. Vbi & totum harum precum ordinem & rationem luculenter explicat: precatur (inquit) oratio illa diuinam clementiam, ut cuncta dimittat per humanam infirmitatem admissa peccata defuncto, eumque in luce statuatur & regione viuorum, &c.

Chrysostomus ad populum Antiochenum, Homil. lxxix. Non temerè (inquit) ab Apostolis hæc sancita fuerunt, ut in tremendis mysterijs defunctorum agatur commemoratio. Sciunt enim illis inde multum contingere lucrum. Cum enim constiterit populus extensis manibus, & tremendum proponatur sacrificium, quomodo Deum non exorabimus pro his deprecantes?

Damascentus: Apostoli, inquit, discipuli Saluatoris, qui totius mundi circulum cepere prædicando verbum vitæ, quod suis oculis viderant, in tremendis vitalibusque Sacramentis,

Chrysost.
ad popu.
Hom. 69.
in. 1. Cor.
Hom. 41.

In Serm. de
his qui in fide
hinc mi-
grant.

S. C. M. DECLARATIO.

memoriam eorum qui fideliter obdormierunt, habendam edixerunt : quod adhuc firmiter atq; adeò sine contradictione obseruat Apostolica & Catholica Ecclesia Christi & Dei, à finibus vsq; ad fines terræ, ab eo tempore, vsque in præsens, & in finem mundi vsq;.

*In Enchi.
cap. 110.
in quest. 2.
ad dulcit.*

Augustinus; Neq; negandû est defunctorû animas pietate suorum viuentiû releuari, cum pro illis sacrificium mediatoris offertur, vel Eleemosynæ in Ecclesia fiunt. sed hæc eis pro sunt, qui cum viueret, vt hæc eis prodesse possent, meruerunt, &c. Similia vide apud Epiphanium. lib. iij. contra hæres. Tertul. ad uxorem de coro. milit. Ambrosium in oratione pro Imperatore Theodosio de excessu fratris. Item lib. ij. Epist. ad Faustum. Cyprianû. lib. i. Epist. ix. Bernardû in Canti. Sermo. lxxvi.

Post hanc defunctorû memoriã, vbi iã iterum Ecclesia cõmunem viuentiû salutem clementi domino cõmendauit, reliquæ preces ad dignam sumendæ sacrosanctæ Eucharistiæ præparationem referuntur : quæ pars missæ peculiaris est præsentibus, & sacrosanctam Eucharistiam sacramentaliter aut saltem spiritualiter sumentibus: nec in cõmune admodum seruit, cum nemo sicut pro alio baptizari, ita nec Sacramentum sumere vtiliter possit. Participato tandem Sacramento, & cæteris ritè peractis, gratiarum actio cuncta (vt ait Augustinus) concludit.

DE

IN NEGOTIO RELIG.
DE COMMVNIONE CVM
sacrificio iungenda.

ATque expedierit, cum verissimum illud & singulare sacrificium offertur, veterem Ecclesie morem reuocari, quo non solum sacrificans ipse, sed & diaconi & reliqui Ecclesie ministri, qui diebus solemni-ioribus velut testes tanti sacrificij, & necessa-riorum ministeriorum coadiutores adhiben-
tur, vt perceptionis corporis & sanguinis Do-
mini nostri Iesu Christi participes se praebe-
rent, seria Canonum sanctione iuebantur. Sed & fideles omnes, pro recolenda mortis
Domini & nostrae redemptionis memoria, ad
hoc mediatoris nostri sacrificium confluen-
tes, sedulis exhortationibus monendi & ex-
citandi sunt, vt prius explorati, confessi, & ab-
soluti, sacrosanctae communionis gratiam su-
mant, & diuinissimae Eucharistiae participa-
tionem, vna cum sacerdote sedulo & deuote
frequentent.

August. de
spiritu & li-
tera, ca. 11.

DE CEREMONIIS ET
vfu Sacramentorum.

Ceremoniae veteres, quae sacramento
Baptismatis adhibentur, retineantur
omnes: Exorcismus videlicet, abrenun-
tatio, professio fidei, chrisma, & alia. Pertinet
enim ad efficaciam huius Sacramenti adum-
brandam & significandam.

Itē in ceremonijs veterib⁹, quae ab Ecclesia

S. C. M. DECLARATIO

catholica adhibetur Missæ, nihil mutandū videtur. Sunt em̄ oēs ad id, quod in Missa agitur, cū primis aptæ. ¶ Et quod ad vsum huius Sacri attinet, debet in singulis ciuitatibus & in singulis Ecclesijs (etiā si in vna ciuitate aut loco plures sint) quæ proprios sacerdotes, & populi illuc cōuenientis frequentiā habet singulis diebus duæ ad minimū Missæ celebrari: altera matutina, cui interesse possint homines, qui labore manuū rē quærūt, vt cōuenientes vel cōmunicent de Eucharistia, vel se Deo piè cōmendent. Altera verò celebrior, quæ canitur circa horā octauā diei ante meridiē: cui eodē modo adsint, qui vel cōmunicare de Eucharistia, vel se Deo cōmendare velint. In pagis aut, singulis quibusq; Dominicis & Festis diebus singulæ Missæ ad minimū celebrantur.

Atq; vt populus ad vsum Missarū reuocetur cōmodè, Cōcionatores, iuxta sententiā de hoc Sacro superius explicatā, populū hortari debet, vt eidē libēter intersint: cui etiā præscribendæ sunt certæ meditationes, exq; ad singulas Missæ partes aptæ: & ante præfationē presbyter aut diaconus, si huius copia sit, ostendat verū Missæ vsum, eumq; populo ex præscripto, de quo etiā hic cōueniat, cōmendet pro ratione de Sacro hoc superius explicata.

Canon item in quo nihil mutetur, habeat etiam suam succinctam & dilucidam interpretationem, vt inde presbyteri & functionem
of.

IN NEGOTIO RELIG.

officij sui eò melius intelligere, & quod intelligunt populo explicare possint.

Ceremoniæ reliquæ Sacramentorum iuxta præscriptū Agendarū veterū adhibeantur: in quas tamē si quid irrepsit, quod causam dare possit superstitioni, tollatur. Altaria, vestes sacerdotum, vasa Ecclesiæ, vexilla, item cruces, candelæ, imagines, retineātur in Ecclesia. Sed ita tamen vt sint monimenta: nec cultus latræ in hoc genus transferatur, nec ad imagines & statuas superstitione concursus fiat.

Horæ item Canonicæ, & illa pia Psalmodia, quam nobis Apostolus ipse commendauit, ex Ecclesijs minimè tollātur: & vbi sublata sunt restituātur, maximè verò de Tempore & Dominica, & alijs vetustis & solemnioribus Festis.

Quæ autem de Sanctis adiecta sunt, ad ea quæ in veteri de Sanctis communi posita sunt, reuocanda: & sicubi modum excedunt, corrigenda videntur.

Vigiliæ item & exequiæ defunctorum, de more veteris Ecclesiæ celebrantur. esset enim inmane, in Ecclesia nullam illorum memoriam retinere, quasi animæ ipsorum vnà cum corporibus interierint.

Festi item dies ab Ecclesia recepti retineantur, si non omnes tamen præcipui:

Dominicæ dies. Natalis domini.

Circuncisio domini. Epiphania. (quētib?

Palmarum. Pascha cū duob? dieb? se

E iiij

Ascen

S. C. M. DECLARATIO

Ascensio domini. Penthecoste cum duobus diebus sequentibus. Corporis Christi. Festi item dies beatæ Mariæ virginis, & sanctorum Apostolorum.

Sancti Ioannis Baptiste. Mariæ Magdalenz. Stephani. Laurentii. Martini. Michaelis.

Omnium Sanctorum, & apud singulas Ecclesias eorum Sanctorum, qui ibidem singulares patroni habentur, vt in eisdem sanctorum festis Deum in sanctis honoremus, nosq; ad imitationem ipsorum excitemur, & desideremus orationibus ipsorum adiuuari, & meritis associari.

Dies item Rogationum ante Ascensionem domini, & Litania in die sancti Marci, & per annum aliæ consuetæ processiones, pro veteri more obseruentur. Similiter in hebdomada Sancta, & circa reliqua Ecclesiæ festa, debitæ solennitates adhibeantur: & in vigilia Paschæ & Penthecostes aqua baptismalis, per omnes Ecclesias Parochiales solenni benedictione præparetur.

Ac cùm abstinentia carniū, quæ non abominationis, sed temperantiæ causa suscipitur, per se bona & ad carnem castigandā apta sit, ac etiam publica vtilitas postulet, vt certis temporibus à carnibus abstineamus, cùm aliās pecora ad assiduum carniū esum sufficere vix possint, mos & institutum veteris Ecclesiæ diebus ieiuniorum, feria Sexta & Sab-

ba

IN NEGOTIO RELIG.

bato à carnibus abstinendi, retineatur. Hanc enim abstinenciam Ecclesia ex nulla superstitione suscepit, quæ à cibis quibusdam, certis temporibus abstinet: non ob vllam ciborum immunditiam (sciens omnia munda esse mundis, & nihil inquinare hominem, quod per os ingreditur,) sed ad edomandâ carnem, vt animâ à prauis cupiditatibus, & à malis motibus melius humilietur: eamq; abstinenciam præcipuè diebus feriæ sextæ & sabbati indixit, vt homines ad cultum Deo debitum persoluedum, ad auditionem verbi Dei, & ad Sacrosanctæ Eucharistiæ perceptionem (quæ olim frequentior diebus dominicis seruabatur) ac bi-
duana abstinencia præparati, magis idonei ac digniores accederent, & vt hac voluntaria castigatione quasi cum Christo, cuius passionis memoria his diebus potissimû à fidelibus recolitur, carnem suam crucifigerent. Consuetæ etiam Ecclesiæ ieiunia obseruentur: sed ita tamen vt non astringantur quos necessitas excusat, quales sunt qui grauioribus laboribus exhauriuntur, & peregrinantes, item grauidæ mulieres, lactantes, pueri, senes, ægroti.

Nec improbetur benedictio earum rerum, quæ exorcismis & orationibus ad vsum hominum præparantur, dummodo operationes quæ inde nascuntur, non rebus ipsis, sed diuinæ virtuti tribuantur: & caueatur ne eadem ad vllum incantationis aut superstitionis

nis

S. C. M. DECLARATIO

nis genus transferantur.

Et quanq̃ cū Apostolo sentiendū est, cum q̃ cœlebs est, curare quę sunt domini &c. eoq̃; magis optandū, multos inueniri Clericos, qui cū cœlibes sint, verē etiā contineant. Tamē cū multi qui ministerij Ecclesiastici functiones tenent, iam multis in locis duxerint vxores, quas à se dimittere nolint, super ea re Generalis Concilij sentētia, expectetur. cū alioqui mutatio in ea re, vt nunc sunt tempora, sine graui rerū perturbatione nunc fieri non possit.

Illud tamen negandum non est, etsi coniugium per se honorabile est, iuxta scripturā, cū tamen qui non ducit vxorem, & verē continet, melius facere secundum scripturam.

Eadem est ratio vsus Eucharistię sub vtraque specie, cui multi etiā assueuerūt, & ab eo auelli, sine graui rerum motu, hoc tempore nō possunt. Et quia Conciliū Oecumenicū, cui omnes Imperij status se submiserunt, procul dubio piā & sollicitā curā adhibebit, vt in hoc casu conscientijs multorum, & publicę tranquillitati opportunē cōsuletur: qui vsum vtriusq̃ speciei ante hac receperūt, eumq̃; relinquere nolūt, sup̃ ea quoq̃; re deliberationē & sententiā Oecumenici Concilij expectent.

Hi tamen qui vtriusq̃ speciei vsum amplectuntur, illam inueteratam sub vna specie cōmunicandi consuetudinē reprehendere non de-

IN NEGOTIO RELIG.

debent: nec alteri alteros perturbēt, donec super ea re Conciliū Oecumenicū decreuerit.

Et quanquam Sacramentum Eucharistiæ sub vtraque specie institutum est, non tamen sentiendum est, Christum in carne diuidi, contra quàm scriptura diuinitus inspirata tradit, sed sub singulis speciebus integrum contineri.

Ac quoniam in Sacramento Eucharistiæ est verum Christi corpus, & verus Christi sanguis, in hoc Sacramēto Christum meritò adorari debere.

Item Sacramentum Eucharistiæ, semel verbo Christi consecratum, etiamsi asseruetur diutius, tamen Sacramentum & corpus & sanguinem Christi remanere, donec sumatur.

Quæ verò ad disciplinam Cleri & populi pertinent, videntur cum primis necessaria esse ad tollenda ex Ecclesijs scandala, quæ magnam dant causam horum temporum perturbationi, id quod res ipsa loquitur. Itaque si quam Ecclesijs vtilem Reformationem Cæsarea Maiestas procurauerit, tantum abest, ut quisquam sanctæ religionis & publicæ tranquillitatis studiosus, repudiare eam velit, ut omnes etiam pro ea citius promouenda & procuranda, Cæsaream Maiestatem obnixè & humilimè precari debeant.

FINIS.

FORMVLA AD QVAM

Catholici ad futurum vsque Con-
ciliū reformari, & abusus, &
scandala tolli debeant



T abusus & scandala, pro-
pter quæ Deus iratus, seue-
riter adeò Ecclesiam suam
castigat, tollantur, refor-
menturq; clerus & popu-
lus iuxta sacros Canones,
traditiones maiorum, & sa-

cræ scripturæ normam (quantū eius per hanc
tempestatē fieri potest) donec Conciliū gene-
rale dissidijs, & abusibus modū ponat. In pri-
mis necessariū est, vt redintegretur repurge-
turq; ordo Ecclesiasticus, quo cōfuso, indiscre-
to & incerto, tota Ecclesiæ facies confusa est,
& varijs iactatur modis.

¶ De ordinatione & electione mi-
nistrorum Ecclesiæ:

Examina-
tio ordinā-
dorum.

P Riusq; admoueatur alijs sacris ordinib⁹,
diligēter inquirendū est de fide, de mori-
bus, de scientia, & ætate ordines petētis.

1. De Fide. De fide quidē propterea, quòd qui rectam
fidem nō tenet, ad fidei Sacramēta iure admit-
ti nō potest. Debet itaq; diligēter ordinandus
examinari de hæresibus, hoc potissimū tempo-
re iactatis: An in articulis hac tempestate con-
trouersis, hoc synceriter credat, profiteatur, &
semp retinere velit, quòd Rōmana, Catholica
&

& Apostolica tenet Ecclesia. Nam de sepul-
tis hæresibus & nusquā emergentibus inquire
re specialiter operæ precium non videtur: ex-
pedit tamen simul explorare affectum, quo
ducatur ad gradus Ecclesiasticorum ordinum
petendos, & an propositum eius pium, san-
ctum & firmum sit.

Mores autē constare & probari debent, fi-
deli ac certo testimonio Parochi, Præceptorū
& proborum virorū, apud quos maiore vitæ
partem ordinandus exegit. Cū Beatus Apo-
stolus requirat, vt habeat testimoniū bonū ab
eis, etiā qui foris sunt, & sit sine crimine, irre-
prehensibilis, iustus, sanctus, sobrius, continēs,
pudicus, prudens, modestus, benignus, orna-
tus, non superbus, non litigiosus, non iracun-
dus, aut percussor, nec vinolentus, aut turpis
lucri cupidus &c.

Scientia saltē explendis ministeriis ad quæ
ordinatur, sufficiens cōstare bebet, nō titulis,
quos mercatus sit quispiā in Gymnasiis, aut
ab aliis dignitatū & titulorum venditoribus;
sed diligenti eius examinatione.

Licet autē Canones antiqui statuerint, vt
ante trigésimum ætatis annū, nemo in Episco-
pum vel Presbyterum ordinetur, ministrorū
tamen inopia, post tam latam huius ordinis
stragem hodie postulat, vt qui alioqui dignus
est, in anno vigesimo quinto, ab hoc ordine
non repellatur.

In his omnib⁹ solerti curā aduigilare debet
Epi-

2. De Mo-
ribus.

1. Tim. 3.

In Concil.
Neocæsari.
cap. 11.
Rigorē Ca-
nonum de
ætate tem-
perat neces-
sitas. Gelasi
in epistola
decre. ad
Episcopos
Lucanos,
Brutios &
Siculos.

C. Tæt. Dē,
dist. 18.

Episcopi: Nam ad illos præcipuè pertinet ordinandorū examinatio, dicente Apostolo: Manus nemini cito imposueris. aut si per valetudinem & causas, Deo iudice (cui sunt ordinationum suarum daturi rationē) dignas id nequeant, curent saltem per idoneos Vicarios & viros pios, sacrarumq; literarū, Canonū & traditionum Ecclesiasticarū peritos fieri: Ne spectacula tantū inquisitionū ædantur, aut testimonia subornentur non legitima, nec idonea, aut superficialis tantum & perfunctoria fiat examinatio, sed diligens & seria, non sine proclamatione præcedente ad plebem Parochiæ, vbi ordinandus habitat, si commodè fieri possit, nullusq; sit ab examine illo liber.

Ordinatos
indignos
absq; exa-
mine Eccle-
siæ abicit.
Vide can. 9.
Cōcilij sex-
ti Cartha-
ginen.

Ad Episcopatum nemo assumi debet, nisi sit sacerdos, aut saltem promittat se velle gradus, quos nondum habet, omnes in proximis ordinationibus absq; fraude, dilatione, aut tergiversatione suscipere.

Ad Prælaturas soli digni atque idonei designandi sunt & admittēdi: qui idonei sint examinatio probabit, si tales inueniantur, vt eorū comparatione, illi quibus præficiuntur grex merito dicantur.

Ad Ecclesias Parochiales nemo prouehatur, nisi sciat & velit populum docere, & verbum Dei pro captu suorum prædicare.

Episcopi & Archidiaconi designatos, siue per electionem, siue per collationē, non prius inuestiāt, nec ad Ecclesiæ munera subeūda admit

mittant, quàm exploratum ipsis diligenti examine sit, eos esse idoneos, & vocationi suæ pro virilibus se satisfacturos polliceantur.

Nulla pro examinatione exigatur pecunia, cum ad hæc tam necessaria officia habeant Episcopi, & ad quos examinatio pertinet, amplia satis stipendia.

In eis quoq; qui ad Ecclesiasticas dignitates, curas, vel beneficia per Coadiutorias aut resignationes contendunt, eadē cura quæ in electione & collatione exigitur, est adhibenda, nec recipiendi aut admittēdi sunt huiusmodi homines, nisi examinatione præscripta comprobetur idonei, quales si nō fuerint, quaecumq; sit resignatū illud beneficiū vacabit, & adsciscendus erit alius in reiecti locum.

¶ De ordinum Ecclesiasticorum officijs.

CVM duplex sit potestas, vna Ecclesiastica, alia Temporalis, quæ lōgo distāt interuallo, Episcoporū Germaniæ pars maxima, præter Ecclesiasticam etiam temporali præditi sunt. Est autem præposterum & vocatione eorum indignū, res temporales spiritualibus præferre, & rebus secularibus sedulo intētos eos, principes tantum agere, curam vero Ecclesiasticam omnem reiicere in Vicarios, dicentibus Apostolis: Nō est æquum nos
relinquere verbum Dei, & ministrare mensis.
Ita ergo vita eis instituēda est, vt appareat eos Episcopos potius quàm Principes esse, & cœlum potius quàm mundum hunc cogitare.

Est

Actord. 6.

Est aut propriū Episcopi officiū regere Ecclesiā Dei, quā sibi Christus acquisuit sanguine suo, ad quod p̄tinet pascere oues ei⁹ cibo verbi Dei, Sacramētis, & exēplis. Cōfirmare baptizatos, Exanimare & ordinare ecclesię ministros, **Actorū. 20.** Synodos celebrare, Visitare suā Prouinciā, & lupos ab ea abarcere, quę, si fidelis & bonus Pastor est, p se potius q̄ per Vicarios, quātumuis pios & doctos pro ædificatiōe Cleri & populi sui obibit, nisi legitima aliqua causa impediā.

Johan. 10. Debet igitur omnium ouium suarū habere curam, sed præcipuam cooperariorū, per quos regit oues, & dispicere vt suum quisq; munus fideliter in Ecclesia exequatur. Etsi enim oues omnes nosse, supra naturæ vires sit, compastores tamen & in opere Dei coadiutores suos, vt cognoscat est opus, vt sciat quomodo præsent, quid doceant, quomodo traditiones & ritus Ecclesiasticos seruent, quomodo viuunt, ædificent an corrumpant gregem.

Ex his enim pendet disciplina & salus populi. Sic poterit desides & torpentes arguere, inutiles remouere, & corruptores perniciosos & scandalosos etiam plectere.

Johan. 10. Pertinet quoq; ad Episcopum sollicitè inuigilare, ne lupi gregē inuadant, quibus sese obijcere pro grege fortiter & strenuē debet, eosq; abigere ac persequi, nec ferre, vt doctrinis nouis & peregrinis, aut per dulces sermones corrumpentur, atq; à veritate abducantur oues, **Hebræ. 13.** pro quibus Christo daturus est rationem. **Roma. 16.**

Archidiacones quos alij Chorepiscopos, alij
Archipresbyteros, alij Decanos appellant ru-
rales, quocunq; censeantur nomine, in partem
solicitudinis constituti sunt & vocati, vt certę
regiuncule Pastoribus seu Parochis, ne in offi-
cio negligentes sint, superintendant. Horum est
Synodis Episcopalibus interesse, referre & ex-
ponere illic sue portiuncule statum, & vna cum
patribus consulere ac decernere Synodalia de-
creta & sententias, placita quoq; Episcoporum
publicare curę suę Parochis, eaq; exequi, &
pręter Confirmationem & Ordinationem, & pro-
pria solius Episcopi munera, ea omnia prę-
stare in suo territorio, quę in Diocesi Episco-
pus (cuius sunt oculi) sollicitę inuigilantes, vt
si quid aduersus fidem pietatemq; Christiā-
nam emergat, Episcopo idipsum, ad quem cu-
ra prima pertinet, significant.

Ex epist. de
cret. Leon.
ad Germa.
& Gallię
Episcopos
de Chorep-
iscopis.

Parochi dispensatores sint verbi Dei, & sa-
cramentorum, qui vt fideles inueniantur, debent
frequenter populū de his quę ad fidem & reli-
gionem nostrā pertinēt docere, eosq; instruere,
vt norint quid credere & quomodo cōuersari
ac viuere in sua quisq; vocatiōe debeāt. Admi-
nistrare quoq; debent Sacramenta, & eorū gra-
tiam mysticam exponere. Arguere eos quorū
publica sunt peccata publicē, occultē verō de-
linquētes in priuata confessione: & in oībus se
nō segnes aut cęcos speculatores exhibere: Ne
sint velut canes muti non valentes latrare, sed
quali tuba annunciet populo peccata, & ad eō

1. Corin. 4.

Esaie 56.
Esaie 58.

F uer-

uersionē & pœnitentiā eos adducāt. Incorrigi-
biles vero & obstinatos referre debēt ad maio-
res, vel publica satisfactiōe curādos, vel ab Ec-
clesia proscindēdos. Debēt quoq; Parochi, par-
uulos, quæ est pulchra Ecclesiæ portio, & apta
disciplinæ pietatis, nō negligere: Sed eos ac ru-
des quosq; suę Parochiæ, certis temporibus in-
struere, & cathetizāre: vt discant Symbolum,
Præcationē dominicam, Salutationē angelicā,
& decalogi præcepta, aut certum habere Sacel-
lanum vel Pædagogū, per quos officia ista mi-
nora præstent. Vt vero totam curam in merce-
narios reijciant, Canones non permittunt.

De officio Decani & Canonicorum.

IN Collegijs vbi diuersi sunt ministrantiū
grādus & ordines, Dēcanorū est, exemplo
suo præcedere, verbo monere & prouoca-
re Collegij sui Clericos & familiā, vt suę quisq;
functioni gnauiter incumbat, & eo ad quē de-
stinatus est loco ministret in diuinis & colle-
gij rebus. Neq; enim vt torpentes vacent, sed
vt muneri suo satisfaciant, & vitā ducant ap-
pellatione sua dignā, constat ordinari. Debet
itaq; Decanus cōtinere Clericos in decenti ac
ordinata officij diuini persolutione, in vitę &
morum honestate, in religioso habitu, in disci-
plina, in lectiōe & studio Sacrę scripturæ, quo
Psalmodiæ, Preces, Officia diuina, & Ceremo-
niæ, statis horis ad laudē Dei & populi edificā-
tionem, secundū instituta Patrum, digna ma-
iestate persoluātur. Inobedientes vero & ebri-
osos,

osos, luxui indulgentes, aleatores, percussores,
scortatores, & officiū negligentēs, publice ar-
guere, seueriter corripere, sacris abarcere, mul-
tare etiam prouentu & distributionibus pro
excessuum grauitate, iuxta potestatem qua de
iure & consuetudine Ecclesiarū funguntur.

Scholasticorum est docere indoctos, eosq; in
his quę ad pietatem & cultum Dei pertinent
erudire; aut curam hanc per alios procurare,
presertim vero iuuentutē regere, eisq; idone-
os ac probos præficere Pædagogos. Sint Scho-
lastici viri graues, qui iuuentutē Ecclesię mi-
nisterijs destinata in potestate habeant, & cu-
rent vt sub eorum disciplina, doctrina, pietate
& morum honestate imbuatur, & caueant ne
emancipent, aut ad Capitula tales presentent
quos propria vicia reijciunt. Sic Cantorū est
modū dare eis quę in Choro canūtur, ac into-
nare: Sic Thesaurii, sic Succentores, sic Vicariū
& reliqui ministri omnes, debent suo quisq;
loco, quod eis ex nomine vel officio, vel præfi-
dentium mandato incumbit, diligenter obire
quò decēter ac ordinate omnia fiāt inter eos.

1. Cor. 14.

Canonici oēs debent in his quę ad cultū di-
uinū, obseruationē Canonū, & mores bonos
pertinēt, Decāno suo humiliter obedire. Diui-
nis oībus interesse, modestia, grauitate, pietate
elemosynis, aliisq; bonis exēplis populū edifi-
care. Nō deambulare in templo diuinorū tē-
pore; nec confabulari, oculos habere pudicos,
incessum minime fastuosum, Ecclesiasticum

Eū qui ad
sacrificium
quotidianū
nō venit ad
Ecclesiā, sta-
tuit Cōc. 1.
Toletanū
nō habendū
pro Cle-
rico, Can. 5

officiū, cuius gratia beneficiū accipiūt, vltro,
prompte & reuerenter implere, & persolvere:
Vt dum ore cantāt, cantēt & mente: Et ita ne
videātur tanq̃ cōducti mercenarij trahi, & pe
cuniæ potius quàm Deo seruire, & magnarū
distributionū tempora anxie, minorum negli
genter obseruare, ac si stipendiū præcedere of
ficiū debeat, & non potius sequi.

Quò verò doctis & claris viris Collegia or
nentur & vigeant, Decanus & Collegium stu
diosos aliquos, qui sp̃e bonā de se præbēt, de
bent mittere ad Academies & Vniuersitates
celebres & Catholicas, ac studijs eorū dare suf
ficiens tempus, ac interim eos habere pro præ
sentib⁹ in Collegio, aut sanè quantū pro victu
& libris eis sufficiat, suppeditare. Qua in re si
negligentes fuerint, poterūt Episcopi autho
ritate ad hoc cōpelli. Curent tamē Ecclesiarū
Prælati de ijs qui studiorū causa absunt dili
genter cognoscere. Et si cōpererint eos negli
gentes aut peruersis morib⁹ deditos, sumptus
antea dare cōsuetos eis subtrahant, & in alios
melioris spei iuuenes eosdem transferant.

¶ De horis Canonicis & Psalmidijs.

IN cultu diuino post missæ sacrificium in
Ecclesia primas tenent preces Canonice
in horas septem distributæ: Ad quarum
obseruantiam, qui maioribus ordinum gradi
bus sunt iniciati, seu de beneficiis gaudent
Ecclesiæ, præcipuè obligantur, quò preces,
laudes, & gratiarum actiones Deo pro Eccle
sia,

lia, cuius sunt ministri, cum grauitate & decen-
tia modulentur atq; persoluât, & in lege eius
nocte dieq; versentur. Ideo em de altare edût
& participant, quia altari seruiunt. Præposte- 1. Cor. 9
rum est aut & tam naturæ quàm dignitati ac
institutioni cultus illius diuini contrarium,
velle curam hanc ad postremos tantum ordi-
nes aut conductitios succentores reicere.

Forma autem cantionum & præcû illarum
quondâ ab Ecclesiæ antiquæ patribus, & po-
stremò à beato Gregorio, aliisq; Ecclesiæ recto-
ribus purior tradita, ordineq; præscripta est.
Verùm ad hanc temporû vitio multa inepta,
apocriplia, patumq; ad syncerû cultû pertinē-
tia nō negamus irreplisse. Quod ipsum & bré-
uiarijs (quorû vsus permissus est propter eos,
qui iustis impediti negotijs choro nequeunt
interesse (vsu venit, quia propter opere præciû
erit, vt à viris doctis & pijs (quos Episcopi in-
terim in sua quisq; Diœcesi, ad hoc dare debe-
ant) emendētur & reducātur ad puriorē & an-
tiquiorē ritû, nec tamē modus quē nūc Eccle-
siæ in precibus Canonicis seruāt mutetur. Sed
in locum eorû quę emendatione indiguerint,
meliora & puriora reponātur, quò sancta, au-
tētica, & officio diuino digna sint, omniâ quæ
horis illis recitantur. Episcopis verò cura hæc
relinquēda videtur, vt de hac re diligenter cō-
gitent, si quid fortè de Sanctorû historijs in
eum vsum publicari possit, quò Ecclesiæ Ger-
manicę interim recte in lectionib' matutinali-

bus vteretur, donec plenius ea de re per Concilium generale statuatur.

Expediret ad hæc frequētes earundē precū & Psalmorū in vna die repetitiones, memorias itē quæ suffragia vocantur, quibus ad fastidiū vsq; plerisq; in locis sacerdotes grauantur, tollere, quò prolixitas neminem ab illis quæ secundum feriarū & temporis cursum dicenda erant deterreant, & ad ea impellant, quæ de sanctis breuiore quidem compendio, ac fructu nonnunquam minori dicuntur. Horæ tamen Canonice integræ permaneant, sublatis tantum accessionibus quibusdam quæ minus necessarię videntur, idq; autoritate ordinaria Episcoporum. Ita tamen vt voluntates fundatorum firmæ permaneant.

De Monasterijs.

EO maximè dolendum est, monasteria multa in Germanijs excisa & euersa, quædā etiā sponte deuiasse ab instituto, & vix pauca restare vt olim integra, quòd monasteria apud Patres nostros officinę erāt cultus diuini, & pauperū quædā cellaria, in quibus vnius voti & professionis homines certis horis, die noctuq; Deū Psalmodijs & laudibus colebant, horas intercalares orationi, lectioni scripturarū Sacrarū, meditationibus rerū cælestiū, & alijs studiis piis & honestis dabant, ieiunijs se castigabāt. Et quod supererat, erogabāt in pauperes. Quibus sanè viis ad euangēlicā perfectionē cōtenditur. Hinc non modò

le.

leges, Canones, & ipsi⁹ naturę iura, verum etiā publica tam necessitas quā sanctitas monasterii instituti efflagitant, vt reformentur, & quoad fieri potest reparentur & conseruetur.

Igitur Monasteria cuiuscunq; sint ordinis, quę ab institutis suis degenerarunt, debēt secundū regulas quas professi sunt, absq; omni personarū respectu à Visitatoribus suis reformari, & monachi in obediētia & religionē sui ordinis cōtineri. Repugnātes vero & reformationis impatientes, sine exceptione ad eā subeundam cogi. Quod si Visitatores ad hoc non sufficiant, debent aut Ordinarii, aut Magistratus, vel Prīncipis opem implorare.

Ad hec debent Monasteria opulenta restituerē apud se intermissa studia, præsertim sacrarū literarū, vt habeant monachi quotidie lectionē aliquā sacrę scripturę illustratricē, quę deuotionē suam alant, seq; ad pietatē continuam exerceant: Et se ad prædicationē verbi diuini aptos efficiāt. Vbi verò pauci sunt monachi, idēq; inopia laborātes, debēt nihilominus vnū vel duos mittere ad aliud suę Prouincię Monasteriū, vbi scholę restitutę sunt, qui in literis sacris simul & religionis obseruantia illic instituantur & proficiant.

Non exerceantur Monachi rebus prophānis, sed in locis vbi se Deo deuouerūt permanēāt, nisi fortē ad concionandū vel sacra peragenda, aut ad aliud Monasteriū à suis Prælati mittantur, aut ad curam animarū à locorum

ordinarijs euocentur, de cōseñſu prælatorum suorum, sub quorum obedientia nihilominus manere debent, qui possint eos corrigere & reuocare. Sic tamen vt Prælati ordinum Episcopis in hac necessitate non desint. Tempore verò quod eis à diuinis & lectionibus reliquū est, semper pij & honesti aliquid agant, vt eos semper inueniat diabolus occupatos.

Non debent itē Monachi quamuis opulenti & regalibus dotati munificentijs ociosos & vanos facere sumptus, nec familiam superfluā nec equos ad fastū & pompam potius q̄ ad necessitatē Principum morē nutrire, magisq; secularē q̄ religiosam ducere vitā. Sed in humilitate viuere frugaliter, & quæ vltrā necessitatē supersunt, in pauperes, & educationē studiorum, qui possunt Ecclesiæ Christi olim vsui esse, vtiliter expendere, idq; cum authoritatē Ordinariorum loci, si illis sunt subdita monasteria, & habeant ius visitandi eadem. Sin autem, fiat hoc per Prælatos monasteriorum.

At vbi per hanc tempestatē vel excisa sunt Monasteria vel exhausta Monachis & deserta, debēt Visitatores initio duos aut tres benē institutos, ac probē vitę Monachos illò mittere, qui monasticen rursus introducant, & quantum fieri poterit omnia restaurent.

Monialibus continentiam professis nequāq; monasteriorū suorum septa egredi licebit, sed in eis latere debēt, ac soli Deo pudicitię amatōri, cui se consecrarūt, quenq; repudiatis huius

seculi amatoribus præoptarunt, se conseruare
illibatas, nec item patere debet eis virorū con-
spectus, aut uiris permitti vt monasteriū in-
grediātur, nisi ineuitabilis necessitas requirat.

Cū non detur autem eis suasinet res foris
procurare, Oeconomū sibi deligere poterunt,
fidum, frugalē, & honestum, qui debeat eis &
Visitatori quater in anno, & quoties poscitur;
reddere negociorum suorum rationē. Quōd si
inutilē eum, aut grauē, vel infidum experian-
tur, poterunt eo amoto, alium surrogare.

Quæ verò continentia studium sectantur,
absque voti professione, & vitam in Collegijs
ducunt religiosā, quales vocantur Canonis-
sæ, etiamsi non habeant (quam tamen decen-
tissimum esset habere) mensam communem,
sed suam quæq; peculiarem, debent tamen ha-
bere commune dormitorium, ne pudicitie in-
fidiatori Sathanæ detur, occasio ad incontinen-
tiam tentandam. Debent quoq; à nimis ex-
quisito & procaci habitu abstinere, nec secu-
laritet comptis incedere vestibus exultę, sed
in habitu modesto, mundo & casto, vt sint ea-
rum Monasteria scholæ pudicitia, & virtutū,
in quibus filia nobilium discant non lasciui-
re, non superbire, sed Deum timere, orare, &
pijs affuescāt exercitijs ac moribus bonis: ubi
voluerint nupturæ in Domino. Talia autem
Collegia sicubi in his virgines ob liberiorē vi-
tām, famam suam in periculum adducant, per
superiores & Episcopos reformentur.

1. Timo. 2.
1. Petri. 36

¶ De Scholis & Vniuersitatibus.

Scholæ seminaria sunt nō Prælatorū tantū & ministrorū Ecclesiæ, verū etiā Magistratuū, & eorū, qui Consilijs suis respublicas gubernant, quæ si negligantur aut deprauentur, necesse erit & Ecclesias & respublicas inde periclitari, propterea de earum instauratione non postrema cura habenda est.

In primis igitur vbi extāt fundatæ, auctoritateq; ordinaria probatæ Vniuersitates seu Academix, debent destinata Præceptorib; & studiosis beneficia & stipendia, Priuilegia itē & immunitates exemptiones à vectigalibus, exactionibus, collationibus & oneribus publicis, tam discipulis quàm Præceptoribus antè omnia tuta conseruari, nec ab vllō hominum quantauius potestate sit præditus, infirmari, infringi, aut aliò conuerti quàm destinata sunt. Quòd si Prouisores beneficia destinata in alios cōtulerint, irrita debet haberi & esse collatio, & qui damnum Vniuersitati intulerint, ad satisfactionem compelli.

Curandum est in singulis Academijs, vt nō nisi probati auctores in artibus & disciplinis auditoribus prælegantur, atq; vt Doctores & Magistri qui doceant iuuentutem, probi sint, Catholici, & de Religione Christiana benè sentientes.

Ad hæc qui in numero studentium volūt haberi, & priuilegijs Vniuersitatum frui, ac gaudere, nō debēt priuilegijs & libertate sua abuti;
sed

sed sub obediētia & disciplina viuere Recto-
ris, qui eos delinquētes & statuta prætergredi
entes, præsertim rixantes, seueriter corripere,
& pro modo delicti plectere debeat.

Nulla re magis Ecclesię publicęq; vtilitati
consuleretur, q̃ si summus Pontifex & Colla-
tores Ordinarij, secundū Concilij Basiliensis
placita, Academijs purioribus & incorruptis
potestaté facerent, significandi eis subinde vi-
ros literatos, ad regendum Ecclesias idoneos,
quos ipsi quibuscunq; alijs minus idoneis in
collatione beneficiorū, & præsertim Parochia-
liū Ecclesiarū præferrēt, modò tamē persona-
liter illi non detrectarent residere.

Vbi fundatę nō sunt, debēt singula Colle-
gia, secundū decreta Concilij Lateranensis, vt
parua fuerint vel magna, ita scholas paruas vel
magnas apud Collegia erigere, quib⁹ præfici-
ant Magistros & Pædagogos incorruptę vi-
tę, à quibus tā pietatis Christianę prima prin-
cipia, quàm rudimenta literarū, incontaminā-
ta adhuc & quorūlibet studiorū capax inuen-
tus hauriat. Atq; vbi multus est adolescentū
numerus, in classes diuidi poterunt: debet au-
tem eis prælegi hoc tantū, quod innocētię il-
lius ætatis cōueniat. Vx enim ei qui scandali-
zauerit vnū pusillorū qui in me credunt, ait
Christus. Idcirco sedulo curandū, ne prælegan-
tur eis libri obsceni, suspecti, aut cōtagiosi, eo-
rū qui perfidię suę virus, religionisq; & pieta-
tis odiū, tenerę iuuentuti suis scriptis, quę per
hanc

Matt. 18.

hanc tempestatem edidere, instillant.

Sed ubi Collegia non sunt, debet in singulis ciuitatibus esse scholæ, quarum Magistri boni, honesti, & docti sint.

Præter Pædagogia verò habeatur in Collegiis Theologus, qui certis horis interpretetur Bibliam, ac de re Theologica doceat iuniores Canonicos, Vicarios, & alia Collegii membra, ubi quisque ad lectionem suæ professioni & instituto congruentem, tenebitur comparere. Huic verò quomodo & unde prouidendum sit de victu, in Concilio Lateranensi constitutum est, ita nimirum, ut vnius Præbendæ prouetus ei, donec in docendo perstiterit, assignetur, si sufficiat: sin minus, ut aliunde suppleatur, & tantum huic, quantum satis sit, suppeditetur.

¶ De hospitalibus pauperum, infirmorum & peregrinorum.

Sanctorum Patrum constitutionibus olim sancitum fuit, ut bonorum Ecclesiasticorum pars quarta cederet pauperibus. Hinc apud Collegia & Monasteria antiqua, hospitalia extructa sunt, quæ nunc passim, aut in usus alios sunt conuersa, aut iacent neglecta, non sine graui impietatis piaculo. Verisimile est, cum patres pauperum haberentur, & essent ecclesiastici, fideliterque bona commissa dispensarent, Imperatores, Reges, Principes & locupletes homines perimotos, ut tam amplis prædiis Episcopos, Collegia & Monasteria dotarunt. Debent igitur Episcopi, Collegia, &
Mo-

Monasteria, rursus ædes illas, sicubi collapsæ sunt, instaurare: vbi verò extāt, cōseruare, redditus quoq; ad eas destinatos, ac olim separatos, de quibus cōstat, in nullū ysum aliū conuertere: qui si forsan cū cæteris redditibus & bonis alicubi confusi sint & hodie ignorētur, debet nihilominus ædibus illis de omnib⁹ ad infirmorū curā pertinentibus ex ærario cōmuni Monasterij vel Collegij sufficiēter provide ri, idq; pro dispositione Episcopi, aut Ordinarij ecclesiastici illius loci.

Sic etiam reliqui ordines qui hospitalia habent, eadem studeant cōseruare.

In eiusmodi hospitalia recipiendi sunt Viduæ & Orphani, & qui verè sunt pauperes, & ad victum quærendum sibi non sufficiunt, & potissimum eius loci, vbi hospitalia illa sunt constituta. Peregrinis verò pro refectiōe, nō in habitatione, aut in pauperum illorum fraudem, patere debent.

Cæterū sicubi respub. ciuitatū, municipiorū aut Parochiarū pecuniaria suis ciuib⁹ aut etiā peregrinis hospitalia cōstruxerunt, quorū sibi retinuerūt prouisionē ac dispensationē, curandum est, vt administratores dent prouisoribus à cōmunitate delectis, quater in anno rationē ne & ista casu simili, quo illa, pereant, & pauperum res per fraudē distrahantur. Superiorū verò omnium inspectio ad visitationē pertinet Episcopalem aut Prælatorum, quibus de consuetudine eius loci cura hæc incumbit.

¶ De

¶ De dispensatione verbi Dei &
officio Ecclesiastæ.

Concionandi officium nemo assumere
sibi debet, nisi vocatus, & ab ordinaria
potestate Ecclesiastica admissus, dicente
Roma. 10. Apostolo: Quomodo prædicabunt nisi mittan-
tur. Pertinet autem officium illud ad Episco-
pos & Pastores, quibus animarum cura incum-
bit; his tanquam subsidiarii cooperatores quatuor
mendicantium ordines ad prædicandum ver-
bum Dei adiuncti sunt, permissum quoque ipsis
est, accire ad hoc Vicarios Sacerdotes, seu Sa-
cellanos, quorum interdum opera utantur: at
non temere debent ignotos quosque aut vagos
Sacerdotes & monachos, absque Prælatorum suo-
rum testimoniis, seu formatis, ut vocant Cano-
nes, admittere, multo minus suspectos de fide
aut flagitiosos Sacerdotes, aut Monachos fu-
gitivos, per quos populus eis creditus seduci
ac corrumpi facilius, quam recte doceri potest.

Ad verbi Dei Doctorem seu Concionatorem
pertinet, ut Evangelium & sacras Scripturas
sinceriter tractet & doceat, non secundum sen-
sum: quem prius conceptum, ipse ad Scripturas
attulit, sed iuxta sensum & interpretationem
sanctorum & orthodoxorum Patrum. Ita enim nec
ipse errabit, nec alios in errorem seducet. Hinc
Canones suadet, sanctorum Patrum Homilias
seu Evangeliorum enarrationes in Ecclesia reci-
tare. In anniuersariis quoque sanctorum Marty-
rum diebus, licebit secundum Africani Con-
ci-

ejlij Canones recitare eorum passionēs post
Euangelia, si tamen certæ sunt, & fide dignis
scriptoribus proditæ.

In Concione nihil prophanū, incertū, fabu-
losum, aut illo indignum loco adferatur, nihil
suspectū, nihil inconstans, nihil nisi quod tota
probat Ecclesia, & à maioribus acceptū est, vt
sic forma seruetur secundū præceptū Apostoli
sanorum verborū, & doctrinæ sanæ, quibus san-
cti Patres & Ecclesia Dei, quæ columna est &
firmamentū omnis veritatis, consueuerunt.

2. Timo. 1.

1. Timo. 3.

1. Timo. 3.

1. Corin. 9.

A quæstionibus itē difficilibus & perplexis
Ecclesiastes abstineat; non oportet em̃ ad inge-
nij & eruditionis ostentationē prædicare, sed
utiliter p̃dicatione populi: Idcirco debet se
demittere ad captū auditorū, & nūc Cathечи-
stam agere, nūc interpretē scripturarū, nūc vi-
ciorū reprehensorē, nūc doctorē mysteriorū,
& sapientiā loqui inter perfectos, omnibusq;
omnia fieri, ad omnes Christo lucrificandos.

1. Corin. 2.

1. Corin. 9.

Nec sit contentiosa declamatio, aut rixosa.
Contendere enim verbis (inqt Apostolus) ad
nihil ytile est, nisi ad subuersionē audientium:
Sed modesta, sobria, grauis, seriosa, neruosa,
qua potens sit exhortari doctrina sana, & eos
qui contradicunt arguere. Caueat quoq; scur-
riliter conuiciari, calumniari, scommata & di-
ceteria in alios iacere, suum expuere liuorem,
subsilire, in compositis moribus gesticulari,
plebem concitare in absentes, Clerum vel Ma-
gistratum, qui etiam si reprehensione dignum
ali

2. Timo. 2.

Ad Titū. 1.

aliquid admiffent, non est tamen illorū causa ad plebis iudiciū referenda : quin potius

1. Timo. 2. contra in omni concione admonendus est populus, vt pro Clero & Magistratu orent.

Subinde quoties locus opportunus incidit, concionatoribus faciēda mentio est misericordiae, charitatis, & bonitatis Dei erga nos, quo dubitantes & anxios ad bene sperandū, & amandum Deū inflamment: ita tamen, vt etiā iustitiae eius, qua pro benefactis cœlū, pro malefactis gehennā & æternum suppliciū reddit, nō obliuiscantur, quo malos à peccatis deterreāt, & ad resipiscentiam, Eleemosynas, satisfactiōes, & opera pietatis inducant, ne sint quales pseudoprophetę, de quibus apud Ezechielem dicitur: Deceperunt populū meum, dicentes, pax, pax, & non est pax: Et ipse ædificabat parietem, illi autem lineabant eam absq; luto, & absq; paleis & temperamento, &c.

Ezechiel. 13

Frequenter etiam per hanc emergentium vndiq; hæresum tempestatem, confirmandus est populus catholice fidei doctrina, vt suppalantes zizanias vitare queant: hortandus vt verbū Dei attentus audiat, sed à Catholicis & synceris, ne sub melle verbi Dei propinet aduersarius ei aconitū. Instruendus de Sacramentis, & eorum mysterijs, vt eis secundū Ecclesię traditionē ad salutē suam religiose vtatur, vt Missę officio libenter intersit, votis Ecclesię vota sua coniungat, cum sacrificium offerente sacerdote, ipse quoq; mortem Christi pro pecc

eatis suis, cordis sursum eleuati manibus patri offerat, frequētī cōfessione se expurget, corde inundo & auido salutarē corporis Christi cibum excipiat; diebus festis, sanctis tantū incumbat operibus. breuiter ad omnia pietatis Christianę exercitia ipsum instruat & formet. Inculcet quoq; sedulò decalogi pręcepta, eaq; explicet, ad quod etiam proderit Catechismū sæpius relegere.

Ad postremū & tamē ante omnia memine **I. Cor. 9** rit Ecclesiastes, vt exemplis Pauli, castiget corpus suum, & in seruitutem redigat, ne vbi alijs prædicauerit salubriter, eosq; ad pietatem adduxerit, ipse seruus sit ventris & peccati, ac reprobus efficiatur.

¶ De administratione Sacramentorum.

Ecclesia quæ sola Sacramentorum thesaurum à Christo accepit, nouit etiam verum ac legitimum eorum vsum, custoditq; substantialia ipsorum immutata. Ceremonias verò, quas plerumq; significationis aut pietatis excitandę causa, vel ipsa instituit, aut ex traditione Apostolica accepit, & orationes solemnes, ac ritus in administrando, pro vtilitate & ædificatione Ecclesię mutare potest & solet: quam tamen potestatem nemo priuatus sibi vsurpare debet, sed potius sequi in omnibus receptā vniformitatem: tum ob reuerentiam atq; obedientiam, quæ debetur sacris Canonibus, antiquis traditionibus, & Imperatorum pijssimorum legibus, tum

G ad

ad confusione & schismata in Ecclesia Dei vi
1. Cor. 11. tanda, iuxta illud Apostoli: Si quis videtur cō
tensiosus esse, nos talem consuetudinem non
habemus, neq; Ecclesia Dei.

Ne verò hec tāta Dei beneficia, quę ad oīm
salutē à Christo instituta sunt, ignorētur, aut
putētur ociosa esse spectacula, nec suo habeant
tur loco, vel etiā indignē tractentur, Debet po
pulus in eorū administratione (vbi cōmode
fieri poterit) frequēter etiā in Concionibus,
vbi inciderit locus, doceri, quid in Sacramēti
cuiusq; collatione agatur, quis sit eius fruct⁹,
qd velint signa externa, quomodo Dei virtus
præsens inuisibiliter eis adsit, quomodo etiā
dignē vel indignē percipiātur, & ijs similia.

Rectius in Ecclesia Occidētali Sacramenta
lingua latina q̄ vernacula celebrātur. Conser
uatur em̄ mysterijs (vt Basilii ille magnus
ait) silētio sua authoritas atq; maiestas. Quod
aut̄ putant quidā oīm referre, vt Sacramento
rū mysteria lingua omnibus intellecta pera
gantur & administrētur, quò gratia Dei, quę
illic operatur, cognoscatur ab omnib⁹: arbitra
mur cōmodius hoc fieri posse, cōcionibus fre
quētibus ad populi captū demissis, q̄ paucis il
lis verbis, quib⁹ in Sacramentorū celebratio
ne Ecclesia vtitur, iisdēq; mysticis & sacratio
ribus, q̄ vt à quouis è vulgo statim intelligen
tur. Et fanē ante vilescēt vulgo Sacramēta ver
nacula lingua celebrata, q̄ vt suo habeātur lo
co, debitaq; veneratione colātur. Quippe qd

ea, quæ captū ingeniumq; nostrū excedūt, at-
tētius miremur atq; obseruem⁹, intellecta ve-
rò propemodū negligamus. Attamē vt in Ba-
ptismo abrenunciationes & p̄fessiones fidei,
secundū antiquas agēdas, & in Matrimonio, si-
cut hactenus fieri consuetū est in Ecclesia ca-
tholica, cōsensus contrahentiū lingua vernā-
cula requiratur, non improbamus.

¶ De administratione sacramēti Baptismi.

Quamuis orationes illæ solennes & ce-
rimonix, quibus circa Baptisimū ec-
clesia vtitur, nō sint Sacramēto essen-
tiales non possunt tamē absq; graui sacrilegio
cōtemni, nec omitti sine schismate, aut animę
periculo, nisi facultatē eripiat necessitas. Sta-
tim em̄ à tēpore apostolorū cœpit cōsuetudo
illa, quam ecclesia hucusq; religiose obserua-
uit, vt baptizarentur fideles in aqua inuoca-
tione nominis Christi ad baptisandū benedi-
cta, & prius exorziaretur exsufflareturq; con-
traria potestas, & signū crucis fronti baptizan-
di imprimeretur, auresq; ei aperirētur ad audi-
endū deinceps verbū Dei, & sal sapiētix signi-
ficatiuus ori iniiceretur, & diabolo per se vel
sponsores suos abrenunciaret, profitereturq;
symbolū Apostolicū, & in pectore ac scapulis
tanq̄ nouus athleta inungeretur, cui cōtra dia-
bolū pugnaturus, & cordis (quo creditur ad iu Roma, 10.
stitiam) constantia opus est, & corporis ro-
bore ad mandata Dei opere implenda. Ac
post immersionē iam Christo incorporatus, in

vertice vngebatur, induebaturq; veste cādda
custodiendæ innocentie signo: atq; ita præfe-
rebatur ei cereus ardens, tanquā per tenebras
mundi in luce ambulaturo. Quib' ceremoniis
significatur, quid tota vita exercere, quid cogi-
tare, meditari, & operibus implere debeant ba-
ptisati. Ideo sæpius debent hæc populo expo-
ni, vt professionis suæ, qua Christo iniciati
sunt, frequenter adimoneantur.

Curandum est etiā, vt susceptores, seu spon-
sore parvulorum sint prouectæ ætatis, in fide
probè catechisati atq; instructi, quò non ore
tantum, sed & mente ac serió, ad interrogata
respondere, suum munus intelligere, & paruu-
los vbi adoleuerint, in fide orthodoxa (si res
poscat) instituere possint. Id enim ipsorum,
quam pro paruulis baptizandis Deo & Eccle-
siæ faciunt, sponsio requirit.

¶ De administratione Sacramenti
Confirmationis.

E piscoporū est ad confirmandos bap-
tizatos suam Dioccesim frequentius cir-
cumire, mysterij huius originē & Chri-
stinatis arcanum, si non per se, saltem per Con-
cionatorem idoneum populo exponere : pro
captu tamen parvulorum, vt & ipsi hinc ali-
quid fructus percipiant.

¶ De Missæ Ceremonijs.

Canon Missæ quem tot iam seculis reti-
nuit Ecclesia Dei, nihil continet quod
non sit consonum ijs, quæ à tempore
Apo

Apostolorum apud altaris sacrificium supplicata, pronunciata vel obseruata sunt, id quod liquet ex antiquorū veteris Ecclesiæ Patrum scriptis, in quibus ipsa Canonis verba alicubi est reperire, vt prorsus sacrilegum sit, eum vel damnare, vel authoritate priuata immutare. Debet idcirco ille, quemadmodum hactenus factum est, in missa religiose ac submissa voce (quò mysterijs tam tremendis sua conseruetur authoritas) pronunciari.

Quod ad reliquas Missæ partes attinet, & si oēs illæ nihil sint aliud, quàm aut laudes Dei, aut preces ecclesiæ, aut lectiones Sacre, & ideo minimè negligenter habendæ, tamē si quas nouas collectas, Sequentias, Præfationes, & id genus res, vel indoctis vel incertis & apocryphis historijs innixas, aut Missæ sacrificio parum congruentes, recentior ætas inuexit, tales oēs tollendas censemus, atq; ad probatissimorum codicum fidē restituendas. Debentq; Episcopi pro officio suo huic repurgationi, adhibitis ad eam rem viris doctis, dare operam, quò pura, emendata, certa & solida existant omnia, quæ in sacratissimo illo officio dicuntur.

Epistolæ & Euangelia pro reuerentia quæ eis debetur, semper pronunciētur in Missa lingua latina. Dominicis vero & Festis diebus in Parochialibus ecclesiis plebi lingua vernacula exponātur, siue ante Sacrum solenne, siue sub ipso: Nec Concionis tempore vlla Missa celebretur, quā populus ab auscultatiōe distraha-

tur: sed neq; sub sacro solenni conuenit, vt coram populo eodem legantur etiam missę speciales, quibus huc illuc populus distrahatur, auoceturq; vt nulli sacro satis intendat. Verũ interim nõ minus curandum, ne sacrum illud protrahatur æquo prolixius, generetq; potius fastidium auscultantibus q̃ deuotionem.

Organa nihil lasciuum sonent aut seculare, sed quod ipsa etiã plebs intelligat religiosum ac pium esse. Et præstiterit Symbolum totum cani, similiter Præfationẽ & orationem dominicam, quàm partem relinqui organis, sicut magno abusu alicubi consuetum est fieri.

Nec cõuenit, vt sub eleuatione Sacrę hostiæ cantentur Antiphonę, ad hoc Sacrificium nõ propriè pertinentes, quales alicubi dicuntur: De pace, de beata Virgine, de S. Sebastiano; aut alio quopiam Patrono, quę melius à Sacro peractõ cantarentur.

Et fraternę charitatis redintegratiõ, & pax nobis à Christo relicta poscit, vt osculum pacis, vbi mos eius dādi exoleuit, in Missis solenioribus restituatur. Sic vt imaguncula crucifixi domini pacificatoris omniũ, ab ore Sacerdotis, pacem populo imprecantis, ad astantes deferatur, quam ordine in cõcordiæ & pacis Symbolum, osculentur omnes.

Docendus itẽ est populus frequẽter, de mysterijs Missę, vt Missam audiens, vota sua sacrificanti Sacerdoti coniungat, & ad finẽ vsq; donec benedictionẽ Sacerdotalẽ acceperit, perse-

ueret, ſæpiusq; communicent : ſi non ſemper
externa ſumptione Sacramenti, ſaltem ſpiri-
tualiter, deſiderio fructus Sacramenti & vnio-
nis cum Chriſto. Verum interiim non minori
diligentia monedi ſunt, vt qui peccati vinculo
retinentur ligati, abſque abſolutione & veræ
emendationis propoſito, à myſteriorum illorum
diuinorum perceptione abſtineant. Palam vero cri-
minofi, & qui peccati certiffimam occaſionem di-
mittere nolunt, ſiue ſacerdotes ſint, ſiue Laici,
omnino à communione abarceantur.

Similiter docendus eſt populus, vt quamuis
in Miſſa piè orent pro ſpe ſalutis & incolumi-
tatis ſuæ, incommodisq; temporalibus vitan-
dis, cauendas tamẽ eſſe omnes ſuperſtitiones,
quales ſunt, polliceri alicui eſſe certis Miſſis cer-
tam fortunam, ſecuritatem in aggreſſibus te-
merarijs, aut aliquid huiuſmodi.

Tametum omnis Miſſa ſit officium publicum,
& ad totam pertineat Eccleſiam, nemini ta-
men vetandum eſt, ſua deuotione priuatim
vti, & quod publicum eſt, celebrare pro Eccle-
ſia non publicè : modò cum grauitate omnia
exequatur, & orationes ac lectiones ſacras cla-
re ac diſerte pronunciet, vt poſſit à circũſtanti-
bus audiri & intelligi, & habeat (ſecundum ſa-
crorum canonum ſanctiones) præſentes, qui Ec-
cleſiæ nomine reſpondeant, vt verba quæ dicun-
tur cõgruant etiam rebus ipsis. Curent etiam
Epifcopi, vt ignoti Sacerdotes, & qui publicis
criminibus infames ſunt, aut ſolùm quæſtũ ſectan-

I. Timo. 6.

tur, ad celebrationē sacri hui⁹ nō admittātur.

Cū iubeāt Canones ecclesiastici, vitalē hostiam seruari, vt semper habeatur parata pro infirmis, quib⁹ viatico illo opus fuerit, fides & religio nostra prorsus exigit, vt in loco seruetur honorato, cū perpetuo lumine: quò admoneamur eo loco p̄sentē esse illū, q̄ lucē habitat inaccessibilē, quiq; tenebras nostras illuminat.

Quādo in solennibus Festiuitatibus ad amplificandū cultū diuinū, aut in magnis supplicationibus ad corda fidelīū cōpungenda, circūfertur hostia illa salutaris, oēs ludi prophani, & quicquid nō valet ad verā deuotionem excitandā, remoueatur. Nec deferatur Sacramentū extra ecclesiā, nisi grāues causæ poscāt, & sint q̄ digno illud honore, tanquā verē p̄sentē Christū prosequantur, atq; adorent. Sed & quando ad infirmos defertur, præferri debet lumen, & campanella, ad dandum fidelibus signum, pulsari.

¶ De Sacramenti Pœnitentiæ
administratione.

INfinitam peccandi licentiam Confessionis Sacramentalis neglectum consequi, piorum omnium vox est, & negari non potest. Quamobrem decernendum, quod & ab Ecclesia salubriter institutum est, & à Patribus diligenter obseruatum, vt quotquot Christiani nominis sunt homines, saltem in anno semel peccata sua Sacerdoti confiteantur. Quòd si recusent facere, Ecclesia protinus

nus eiiciantur. Etenim vt sæpè confiteantur
ij, qui sæpius peccant, propria ipſorum ſalus
etflagitat. Eximixq; cuiuſdam pietatis eſt, pec-
cata ſtatim vt commiſſa ſunt, lugere, confiteri
dignaq; ſatisfactione mortificare.

Veteres rigidiorē diſciplina ſatisfactionem
publicā exigebāt: de quo Canones pœnitētia-
les adhuc extant. Verū ad ſeueras illas publi-
cæ pœnitētiæ leges deſperamus, fide & charita-
te admodū languentē populū hoc tempore
poſſe reduci. Ergo quando hoc nō datur, con-
ſuetudini poſterioris ætatis inſiſtendum eſt:
quæ obtinuit, vt cōfeſſis ꝑ ſatisfactione iniun-
gerētur orationes, eleemoſynę, ieiunia, & id ge-
nus opera pietatis, quib⁹ ſcripturę diuinę te-
ſtātur pœnā peccatis debitā dimitti. Nonnun-
quam grauiorē imponūtur, ſed occultæ affli-
ctiones ad ſatisfaciendū, ſecundū pœnitētis fa-
cultatem, & peccatorum magnitudinem.

Quare prudentes oportet eſſe Confefſores,
qui norint diſtinguere leprā à lepra: & ita de
peccatis inquirāt, ne ſcandalizent puſillos: ita
ſatisfactiones iniungant, vt ſint ſimul & medi-
cinales, quibus animæ morbus curetur.

Quò verò quàm minimum retrahantur ho-
mines à confeſſione, videtur nobis hoc tempo-
re proſectò expedire, vt cōfiteri volentes, non
ad vnū ſolū cogātur, ſed vt pluribus (idoneis
tamē) Sacerdotib⁹ fiat abſoluēdi poteſtas, etiā
in caſib⁹ reſeruatis, quos adire ſit omib⁹ liberū,
idq; pro arbitrio Episcopi & Ordinarij loci.

¶ De Vnctionis extremæ administratione.

PR O more quem hætenus tota serua-
uit Ecclesia, Sacramentum vnctionis
supremæ fidelibus impartiendum est,
cum Litanij & Orationibus huic negotio cõ-
gruentibus, quales sunt illę, quas à maioribus
acceptas, tota Ecclesia seruat. Studebitq; Sa-
cerdos infirmum consolari, atque à curis &
desiderijs transeuntis huius vitæ, ad spem sa-
lutis æternæ erigere, diabolũ & terrores eius
non formidare, In Christi misericordiam, qui
nouit figmentum nostrum, & tulit iniquita-
tes nostras, pro quibus & mortem sustinuit,
tota mente sperare ac fidere, atq; ita confir-
matum, cum benedictione Christo commen-
dare. Nec abs re fuerit, vt rediens Sacerdos,
habeat oratiunculam ad comitantem multi-
tudinem, qua infirmitatis humanæ admone-
antur, & vt pro laborante in extremis, stude-
ant feruentius orare.

¶ De Sacramenti Matrimonij
administratione.

QVI Matrimonio iungi affectant, de-
bent doceri, vt sciant qua religione
& fide nubatur in Christo, & clam-
destina illa, quæ carnaliter incitante sola Ve-
nere præter Ecclesię Christi ritum contrahun-
tur, non esse religiosa & Christianis digna Ma-
trimonia. Et quãuis illa, vbi contrahentes fue-
rint personæ legitimæ, sint rata veraq; Matri-
monia, nõ tamen ob id esse Deo grata, vtpote
gra

gratia Sacramentali destituta, donec vitiū suū
emendent, & ecclesiæ legibus subdantur. Ideo
iungendi Matrimonio admoneri debēt, vt pa-
rentū & amicorū vtantur consilio: exemploq;
Tobia, Ieiunijs & orationibus sese præparēt, Tob. 8. 2.
ac commendēt gratiæ Dei, qua quod reliquū
est vitæ, deinceps peragendū erit. Neq; enim
possunt filij sanctorū (vt in Sacris dicitur) ita
coniungi sicut gentes quæ ignorant Deum.

Nec debet Sacerdos Sacramento huic alibi q̃
in ecclesia (q̃ est proprius Sacramentorū locus)
benedicere, nec admittere seu cōiungere quos
libet sibi oblatos, nisi quos post proclamatio-
nes, vt minimum tres, tribus diebus Festis, sibi
succedentibus ad populum in cōcione publi-
ce factas, cognouerit nullis impedimentis ir-
retitos, quosq; examine facto exploratum ha-
beat, nō cogi ad hanc copulā inuitos à parenti-
bus vel cognatis, sed animo eā libero appetere.

¶ De Ceremonijs Ecclesiasticis.

CVM ceremoniæ sint pietatis incitamen-
ta quædam, & alimenta, quibus subla-
tis ipsa quoq; frigeat, languescat, atq;
emoriatur pietas, Nulla vnquam religio absq;
ceremonijs potuit constare. Idcirco ceremo-
nias, maioribus nostris, hominibus religiosis-
simis vsitatas, retinendas, reuocandasq; cense-
mus. Non quidem propter speciem operū, aut
signorum externorū vim & meritū, sed quòd
ad varios pietatis vsus valeant: nec itē quòd in
ipsis fiducia salutis sit locanda, sed quia exer-
citia

citia quædam sunt, quibus corpus simul cum mente ad Deum; seu cultû eius attrahatur.

1. Cor. 11.
Ephesior. 3.
Actorû. 9.
Lucæ. 18.

Sic secundum doctrinam apostolicâ orant viri nudato, fœminę velato capite: & genua in terram figimus, corpus cum spiritu humilantes: & tundimus pectus, quod malefactorum conscientia dolere debebat & conteri.

Sic in terroribus & periculis inclâmato nomine Christi, signam⁹ nos signo crucis, quo diabolus sua in nos potestas imminuta adēptaq; est. Idē ituri dormitû, propter timores nocturnos facimus: & manē quoq; surgētes, quò tota die à malis ptegamur hoc signo muniti. Quin Tertulliano teste, antiqui Christiani olim, siue vestes induerēt, siue deponerēt, siue domo pderent, siue aliud qd agerēt, aut inceptarēt, ad singulas actiões consignabāt se cruce. Nō potest em̄ negligere pietas vera Christi signû, aut à cogitatiōe eius, quæ signo illo renouatur, esse ociosa. Sic cibû & pōtum sumebāt, benedictione præcedēte, memores illius Apostolici: Sanctificatur per verbum Dei & orationem.

2. Timo. 4.

Hinc & aqua, & sal, & herbæ, & ignis Paschalis, & fructus noui, aliaq; humanis vlibus necessaria (de quibus ad Adā, in quo peccauimus oēs, dictum est: Maledicta terra in opere tuo) benedicuntur & sacrantur in nomine Christi per orationē, qua petit ecclesiæ minister sacerdos, vt Deus illa ad sanctificationem, & salutis nostræ profectû, potentia & bonitate sua contra aduersarias potestates, incantationes, magias, frau-

Genesis. 3.

fraudes, & machinationes inimici, qui nocere hominibus nō desistit, nobis concedat valere. Et valent utiq; fidelibus ob benedictionē sacerdotalem per verbum Dei & orationē, quæ alioquin nullā aduersus spirituales nequitias, & potestates inuisibiles in seipsis virtutē habebunt: atq; hinc adeò cū aspergimur aqua benedicta, oramus mente & habitu, vt à peccatis amplius lauemur: cū salernū sumimus exorcizatum, vt vitam nobis & sermonem omnem concedat Deus habere sale conditum.

Cereos aut accēdimus in gloriā illius, qui lucē inhabitat inaccessibilē, & illuminat omnē hominē venientē in hūc mundū. Sed Sanctos luminibus veneramus, quos viuere cū Christo in gloriā in regione lucis prædicamus. At in fide defunctis cæteris, lucē ad sepulturā præferimus, orantes, vt lux perpetuæ luceat eis.

Thura incēdimus, significatione, quòd oporteat orationes & desideria nostra sursum ad Deum cum odore bonorū operum ascendere. Apocal. 8.

Processionum, alias lætas ducimus in modū cœlestis cuiusdā exercitus, ordine compositas, de Christi gloria & triumpho exultantes, & canentes. Qua de causā crucis signum & vexilla in aëra sustollimus, ad significandā aëreæ potestatis expugnationē. Alias agimus tristes & solliciti in tribulatione, quam peregrini in hoc exilium peragrantes patimur, veniam peccatorum & misericordiam supplicantes.

Consecramus item Ecclesias, altaria, calices,
pal

pallas, vestes sacerdotales, cāpanas, aliaq; Eccle-
sia vasa, quę vsibus eximūtur ciuilibus seu p-
phanis, & ministerio tantū sacramentorū Chri-
sti aptātur ac mācipantur, vt sciamus, in eccle-
sia nō nisi sacris & diuinis rebus vacandū, gra-
tia Dei illic ceu numine quodā pręsente. Cam-
panis vero ab operibus & negocijs secularib⁹
nos ad orationē, laudes Dei, & sacra mysteria
inuitari, cogitemusq; ē tanto vasorū apparatu,
& tot cōsecrationibus, quāta reuerētia sacrificiū
corporis & sanguinis Christi à rebus pro-
phanis sit secernendum & dijudicandum.

De quibus omnib. debet populus sedulō ac
frequēter doceri, ne ceremonias religiosissime
institutas in abusum aut superstitionē vertāt,
sed ad pietatē exercendā ipsis vtātur, vtq; pro-
cessionēs, rebus secularibus ac vanis proscissis
sint graues, ordinatę, honestę, ac Christiana re-
ligione dignę. Reprobi verò, & quibus studia
istā pietatis vilescunt, redarguantur.

¶ De disciplina Cleri & populi.

Disciplinę pars bona iam tradita est in
descriptione officiorū. Etenim vt suū
quisq; pręstet officiū, pręcipua est disci-
plinę regula. Hoc tantū restat, vt viciā quędā
publica, quę emendationē Cōcilij definitione
non expectata requirunt, retexamus.

Contra ordinē & dignitatē Cleri cū primis
sunt luxus & auaritia, quas res etiā plebs exe-
cratione dignas in Clero ducit. Debet igitur
Clerus à luxu prophano, fastuoso, carnali pror-
sus

sus esse alienus, & primū seruare decorū in habitu & incessu. Sit habitus simplex & honestus, nō limbis, non incissuris cōptus, mundus tamen: Superior vestis sit talaris. Nec incedāt Clerici cum multi famulitij strepitu, aut gladiis accincti, terribiles, sed venerabiles, qui aliter se contemptibiles reddunt.

Mensa quoq; sit frugalis, nec lauta nimīū, nec sumptuosa. Pōposus vero esculentorū apparatus, & exquisitæ ad luxū deliciæ, longus accubitus, & comestationes frequētes detestandæ & fugiendæ, similiter infamis, & sacris literis damnata ebrietas, & studiū cōpotandi, atq; ad æquales haustus prouocādi, cui Propheta væ imprecatur: Væ (inquit) qui potētes estis Esaia. 5. ad potandū vinū, & viri fortes ad miscendā ebrietatē. Quin sacris Canonibus decretū est, tales ab officio & beneficio suspendere.

Porro q̄s ferendū putet, vt scortationi indulgeāt, & adhereāt cōcubinīs, quibus sacrificii & orationis (ad quam debent perpetuò esse accincti) causā, cōiugio etiā alioq; honesto & licito abstinēt. Qui adhæret, inquit Apost. meretrici, vnū corpus cū ea efficitur. Tollens ergo 1, Cor. 6 membra Christi, faciam membra meretricis? Quibus verbis significat scortatores à Christo excidere. Tantam ergo indignitatē à clero magna pœnarū seueritate veteres persecuti sunt. Concilium Neocesariense Niceno antiquius, statuit presbyterum, qui vxorem duceret, ab ordine deponendum: si fornicaretur autem, vel

vel adulteriū cōmitteret, etiā extra ecclesiam
abijciendū, & ad pœnitentiā inter laicos agen
dā redigi debere. Vt aut nō ferant hæc secula
tantā seueritatē, & sit mitius agendū, sacerdos,
diaconus, & subdiaconus fornicationis, adulte
rij, aut suspectę familiaritatis cōuictus, remo
ta protinus cōcubina, primū nō pœna pecuni
aria, sed suspensione ab officio & beneficio, se
cundū scādali grauitatē plectēdus est: qui si fa
cinus nō emēdet, & iterū cōuincatur, plecta
tur seuerius. Vbi verò apparuerit eum effrenē
& incorrigibilē factū, & nec pudore infamię
retineri, nec pœnis abarceri â scelere, in modū
equi aut muli, quibus nō est intellectus, bene
ficio secundū canones prorsus priuetur. Sed &
cōcubinas, quę posthac cū clericis habitare si
bi permiserint, per excommunicationem ab
ecclesia & cœtu fidelium expellere oportet.

Et ne tantū dedecus clericalē dignitatē am
pli⁹ dehonestet, reuocādi sunt omīno in vsum
canones antiqui. Conciliū Nicenū nō permit
tit Episcopis, sacerdotib⁹, diaconis, aut subdia
conis, habere domi subintroducā seu extra
neā fœminā, nisi fortē aut matrē, aut sororē,
aut amitā, aut tales quę fugiāt suspicionem.
Conciliū Carthaginse tertiū, cui Augustinus
interfuit, extendit hunc canonē etiā ad fratrū
vel sororū filias: sic & canon â Syriaco latus,
nullas fœminas permittit clericis cohabitare,
nisi sânguinis necessitudine clerico iunctas.
Verū suspiciōnē nō fugiūt iuueculę formosę,
la.

lasciuę, cultę, procaces, imperioſę, ocioſę, impu-
dętes, curioſę. Si admittatur ergo quę ſuſpicio-
nē fugiat, annosa, quę annū quadrageſimū ſu-
perauerit, ſtatę formę, verecūda, ſobria, pudica,
inculta, laborioſa, ſeuera, & quę teſtimonio pu-
blico caſta eſt, vidua, vel virgo ſenex, in mini-
ſteriū domeſticū aſſumi poteſt: & ne cum tali
quidem familiaritas nimia eſt habenda.

¶ De pluralitate beneficiorum.

Tollenda eſt etiam ex Clero omniſ ſi-
monia & ambitio: ac quia ſine graui Ec-
cleſiarum detrimento accidere non ſo-
let, vt aliquiſ plura q̄ vnum (maxime ſi cura-
ta ſint) beneficia occupet. Solus enim per oēs
Eccleſias, ſi munere ſuo recte ac diligēter fun-
gi velit, nec officiū perſolupre, nec rebus ea-
rum neceſſariā curam impendere valet, curan-
dum eſt, ne quiſ plures q̄ vnā metropolitā-
nas aut cathedrales eccleſias teneat, & ne Cle-
rici ſinguli in poſterum plura, q̄ vnum, bene-
ficia acquirant atq; obtineant.

Sed quia tenuitas beneficiorū facit, vt cū eorū
ſingula multis in locis poſſeſſores ſuos alerē
atq; ſuſtentare nequeant, cauſam arripiāt, cur
plura beneficia coaceruet atq; poſſideant: Ar-
chiepiſcopi aut certe Epiſcopi curēt, vt p̄ vni-
onē, aut per aliā quandā viam, beneficiorū te-
nuiorū redditus ita augeātur, vt de ſingulis be-
neficijs ſinguli poſſeſſores ſatis emolumētis, p̄
munere atq; dignitate qſq; ſua habere poſſint.
Nā vt ambitioſam pluriū beneficiorū cupiditatem

Matth. 10.
Luc. 10.

tatē, quæ malā omnino speciē habet, ex eccle-
sia tollendā censēmus: ita vicissim ministris ec-
clesiæ prospiciendū putamus, vt habeāt vnde
cōmodē viuere possint. Dignus enim est ope-
rarius mercede sua. Qua in re arbitramur, eo-
rum beneficiorum, quibus cura animarum an-
nexa est, cum primis rationem habendā esse.

Qua in re hanc sequatur rationem Archie-
piscopi & Episcopi, vt si census alicuius Eccle-
siæ pro veteri præbendarum atq; beneficiorū
numero ad iusta ministrorum emolumenta
non sufficiant, beneficia, quæ nullam Eccle-
siarum necessariam functionem habent, illis
vniantur: Aut præbendæ ac beneficia ad pau-
corum numerum redigantur, donēc ē singu-
lis possessori cuiq; iusta emolumenta suppēdi-
tari queant, vt causa non sit cur vnus nō vno
beneficio sit contentus.

Res enim ita constituenda est, vt non dese-
rat quisq; officium, propter quod datur bene-
ficio, sed in loco beneficii sui resideat, ac mu-
neri ecclesiastico quod huic annexum est, ipse
diligenter incumbat. Et cogitet quanti sit mo-
menti vigilare pro animabus, & ab eis nō di-
scedere, pro quibus aliquādo coram tribunali
Dei rationem redditurus sit.

Intererit igitur nō solū ecclesiārū, sed etiam
possessorū, si plura beneficia curata iam obti-
neāt, vt vno qd. maluerint, eisq; ad iusta emoli-
menta sufficiat retento, cetera intra annū sine
vlla pēsiōne resignēt. Sed si forte de iure, quod
se

se acquisiuisse putāt, recedere nolint, imponatur necessitas eisdē, vt dispensationē sedis Apostolicæ Ordinario loci exhibeāt, ac si legitima fuerit dispensatio, relinquātur beneficia illis: Ordinarius tamē loci iuxta cōstitutionē Gregorij decimi in Cōcilio Lugdunēsi, quam etiā Tridentina synodus innouauit, provideat etiā per idoneorū Vicariorū deputationem, & congruæ portionis fructum assignationē, vt curā animarū beneficijs illis annexa nō negligatur nec beneficia ipsa debitis obsequijs fraudētur: atq; vt hic ijs qui iam possident, & ius habent acquisitū, indulgendū videtur, sub hac tamen cautione, quam Conciliū Lugdunense præscribit. Ita in acquirēdis beneficijs in posterū, coaceruatio eorundē atq; pluralitas, de qua vetus est quærela, eaq; non iniusta, omnino debet vitari: ac ne salubre institutū curiales turbent, huc vt accedat autoritas summi Pontificis, quāmprius impetrandum videtur.

Debent autē qui incorporatas habēt cum decimis & cēsis ecclesias, quas velint retinere, non nisi idoneos atq; à secularibus & sordidis negocijs liberos Sacerdotes eis præficere, quibus de victu & vestitu honesto, & cōpetentia iusta prospiciāt: qua in re si fuerint negligentes aut auari, Episcopi erit pro suo officio & remouere ineptos, & idoneis de ecclesiæ illius decimis & iuribus quantū honestum est decidere atq; assignare, aut reclamantia Collegia vel Monasteria, suo iure (ob negligentie culpā) priuare:

dignus est enim operarius mercede sua, & qui Euangelio seruit, de Euangelio debet viuere. incūbit aut Parochis plus reliquis Canonicis & Sacerdotibus curæ & laboris.

Species alia cupiditatis est, si quæstū secula rem aut lucrū turpe sectentur Clerici, & sint vsurarij, negociatores vel caupones: quæ vicia omnes Canones in Clero damnant. quin & 2. Timo. 2. scriptura dicit: Nemo militans Deo implicat se negocijs secularib⁹, vt ei placeat, cui se præbavit. Proinde nemo Clericorū amplius recipiat q̄ dederit accōmodato, si pecuniā (inquit Conciliū Carthaginēse) pecuniā, speciē eandē quam dederit, nec vltra, aut iustū pro ea precīū accipiat: secus faciētes forneratores sunt; ab officio & beneficio suspendendi, excomunicandi, & ad ecclesiasticam sepulturam, secundum Canones non admittendi.

Antiqui Canones prohibent Clericos ingredi tabernas tantū abest vt ipsis liceat tabernarios esse. Can. apost. 53. Nec licet mercationes Clerico exercere, vt emat quæ postea vendat. Nec item cauponem agere, vt domū suam vertat in ænopolū seu tabernam publicam, nec sortilegijs, diuinationibus, aut etiam venationibus indulgere: quæ omnia sacris Canonibus seueriter prohibita sunt, In Capitulis disciplinæ, in Visitationibus & quoties deprehenduntur, per Episcopum, Archidiaconos, Decanos, & eorum Officiales punienda.

Sacerdotes item nobiliū & diuitū ciuiū seruitio, sine Episcopi cōsensu & authoritate, se non ita mancipent, vt seruiāt in negocijs proph

phanis, & à cura Sacerdotali alienis.

¶ Disciplina populi.

POpulus præter obedientiã quam Principibus & Magistratui civili debet, ad eam quoq; quam Episcopis debet & ecclesiæ Prælati, sine qua in disciplina cõtineri non potest, redigendus est. Quin etiam lex diuina exigit, vt obediant ac subiaceant Præpositis suis, quorum est peruigilare vt reddant rationem de animabus eorum, quo cum gaudio quod officij sui est faciant, & non gementes. Debet ergo populus Clerum, Parochos & illos superiores ordines venerari, eorum facta nõ temerè iudicare, nec aduersus Presbyteros suos cõtendere, aut duros vel refractarios se exhibere, sed morigeros & obsequentes. Ad Christũ enim (cuius legatione fungũtur) pertinet eorũ tam contemptus quàm honor.

Hebræ. 13.

Diebus dominicis & festis conueniat populus ad diuina, quæ in Ecclesia celebrãtur, Concionẽ sub silentio audiat, & memoriæ cõmendet, nec strepitu aut deambulatione vel Concionatorũ vel auscultãtes perturbet. Patres & matres familiã audita illic secũ domũ perfectant, secundũ quæ liberos & familiã instruãt ad pietatẽ, doceant eos Deum, qui inspector est omniũ actionũ nostrarũ, timere, eiq; salutem suam quotidie cõmendare, memoria retinere, ac frequẽter recitare Symbolum apostolicum, Orationem dominicam, Salutationem angelicam, Præcepta decalogi, & quicquid

ad virtutē bonosq; mores pertinet : frequenter interesse diuinis , verbum Dei attentē audire, orare, Clerum & Magistratum honorare, erga omnes modestos & placidos se gerere, malam societatem fugere, horrere à blasphemijs, iuramentis & execrationibus: non contendere, litigare, aut insoleſcere, nemini iniuriam irrogare, ſenioribus cedere, increpationes & caſtigations æquanimiter ferre , vera loqui, mendacia deteſtari.

Ceremonias quoq; pietatis Chriſtianę, quales ſuprà deſcripſimus, & inſtituta Eccleſiaſtica de ieiunijs & abſtinentia carnum , de Ferijs, de Proceſſionibus, & id genus ritibus, populus religioſe ac pie obſeruet.

Libri contagioſi , de falſa Religione ſuſpecti, & qui Lucianico more, cum Deo, cum ſanctis, cū Religione, & Sacris iocantur, trahuntq; ea in ludicra ſpectacula, populo curioſo prohibendi. Neq; enim ad pietatem & bonos mores faciunt . Legat autem populus libros Sacros, ſanctos Patres, Vitas ſanctorū, Hiſtorias præclarorum & fortium virorum , quibus ad pietatem, virtutē, ſtudia honeſta, religionis & rei publicę amorem accendatur.

Abſtineatur ab ebrietate & cōpotationibus, quibus & naturę vires enertuātur, & malis ingentibus ſæpè datur oecaſio. Nec pateāt ænopolia & tabernę diebus Feſtis ante Sacrum in eccleſia peractum, niſi peregrinis & infirmis. In tranſgreſſores Magiſtratus animaduertat:

Ani.

Animaduertat quoq; in seductores populi, & noua dogmata, ab ecclesia nō recepta, non ventur spargere: in Sacrilegos, in periuros, blasphemos, viurarios, adulteros, & crimina publica, quibus corrumpitur iuuentus, in dō omnis ætas, & propter quæ Deus res publicas sæpe magni cladibus afficit.

Principes seculares & Magistratus ciuiles, non patrocinentur eis, qui in Clero & populo reformari detrectāt, sed Episcopis & Prælatiſ ecclesiæ sint auxilio, eorumq; decreta fideliter exequantur, & ordinem præscriptum cogant obseruare. Iurisdictionē quoq; & libertatem ac immunitatem ecclesiasticam, Imperatorū legibus, & Sacris Canonibus Episcopis & Clero tributam ac firmatam, tueantur, ipsiq; conseruent. At hi qui Prælatos, ecclesias, eorumq; bona in fidem, tutelam, ac protectionē suam recepere, & cōtra fidem datam, præfectura seu protectione sua abusi, ecclesijs, quas tueri debebant, grauiā & iniqua onera ausi fuerūt imponere, æquum est, vt præfectura seu tutela per Cæsa. Maiest. Commissarios amoueantur: eis autem qui abusi non sunt, limites & ius præscribantur, vt apertē constet, quid alteri alteris inuicem debeant.

¶ De Visitatione.

VT visitent Episcopi suas Dioceses, non nupera est inuentio, aut à Patribus primum introducta, sed hic mos ab Apostolis descendit. In Actis scribit Lucas, Act. 15. 16.

Paulum circumambulasse regiones, in quibus prædicauerat verbū Dei, vt videret quomodo haberent se fratres, & vt cōfirmaret eos in fide, traditionesq; Apostolorū & seniorum eis præciperet custodiendas, quæ ferè omnia sunt, quæ ad visitationem pertinent.

Debet itaq; Episcopus, si nō iuxta Toletani Concilij decretum, quotannis propter latitudinem Prouinciæ, saltem quarto aut quinto quoque anno totam Diœcesim suā per se, vel suum in Pōtificalibus Vicarium circumire ac visitare, & inter visitandū, pueros baptizatos confirmationis Sacramentō signare. Archidiacones verò, seu Chorepiscopi & Decani rurales, territorij seu regiunculæ suæ Ecclesias, singulis quibusq; annis visitare debent : Ad hoc enim negotium in partem sollicitudinis Episcopalis vocati sunt.

A Visitatione Episcopali nulla Ecclesia sit exempta, sed à Cathedrali ad Collegia, à Collegijs ad Monasteria, nisi proprium habeant Visitatorem, à Monasterijs ad ecclesias Parochiales, ab his ad Oratoria, Hospitalia, Scholas & Bibliothecas transeat : In quibus præcipua sit cura Episcopo, vt primū Cleri vitia, deinde populi eradicet, ne qua radix amaritudinis sursum crescat, p quā inquinentur multi. Siquidem neglecta Visitatione, Religio omnis corrui, & robur acquirit impietas.

In locis visitandis delegantur imprimis viri
probi ; boni nominis, & fide digni quatuor,
quin

quinq; aut plures, secundū Cleri & plebis, sub
iectorumq; pagorū multitudinē, quibus con-
uērsatio Cleri & populi, fama quoq; vulgaris
sit nota: qui & obstringantur iuramēto, ad di-
cendū liberē, audaciter, & securē, ira, odio, amo-
re, & affectibus prauis remotis, ea de quibus
est Visitator pro emendatione & correctione
malorum percontaturus. At leues delatores,
nisi probent quæ deferunt, non audiantur.

Procedendum aut in inquisitione à capiti-
bus ad mēbra inferiora, à Decanis ad Canoni-
cos, Vicarios & ministros infimos: ab Abbati-
bus ad Procuratores & monachos, à Parochis
ad sacerdotes, ædiles, & hostiarios, deinde ad
laicos reliquos. Inquirēdumq; in Collegijs &
monasterijs, vtrū canones & regulę obseruen-
tur, vtrum seruetur frequēter Capitulū disci-
plinę, & qua seueritate: an corrigantur illic vi-
cia quotidie subnascētia, an reuerēter & debi-
tē seruetur cultus diuinus, an satisfaciāt maio-
res & minores suo quisq; officio, secundū ea, q̃
supra exposita sunt: an sint vlli concubinarij,
adulteri, ebriosi, criminosi, infames, aut suspe-
cti de hēresi, vel alijs malis. Externa, qualis est
habitus & tonsura, & edificiorumq; & bibliote-
cæ status inspicī debēt: De prædiorū, censuū,
& iurium conseruatione inquirendū. Sed spe-
cialiter in Parochijs, nū intrusus sit Parochus,

stratione: itē de doctrina, de honestate vite, & familię eius, & an boni Parochi munere in omnibus perfungatur. Sic de ædilib⁹, de sacristis, seu custodibus, num ornāmēta, vestes, sacrę reliquię, vasa aurea & argentea, ædificia, census, prædia benè conseruētnr. Diligentissime verò inuestigandū, num deliteat in Parochia hæreticus, aut schismaticus vllus, nū hæresis aliqua occultis cōuenticulis disseminetur, an sint qui curiosius de fidei mysterijs disputēt, & simplicibus iniiciant scrupulos: item de obseruatiā ieiuniorū, processionum, dierum festorum, & rituum Ecclesiasticorum, de superstitionibus, maleficijs, blasphemijs, periurijs, adulterijs, stupris, incestibus, odijs, dissidijs, rebellionē & contemptu ecclesiasticę & ciuilis potestatis, & ijs criminibus, quibus locus, qui visitatur, solet diffamari.

Inquisitione facta, quę rectè se habent, laudabit: quę malè, castigabit, & corriget: Intrusos Parochos, vagos Sacerdotes, quibus nulla certa functio est, & monachos fugitiuos, extrudet atq; eijciet: quę per ipsum emendari nequeunt, referet ad Synodum Episcopalem, vt illic de huiusmodi rebus secundum canones Ecclesiasticos statuatur.

In castigatione tamē sit prudens & circumspectus Visitator, ne occulta prodat: sed quę occulta sunt, clā etiā & occultè puniat, & sanare curet: manifesta verò publice arguat, vocatisq; secundū Lateranēsis Concilij sanctiones,
accu-

accusatis, non primū inultā ab eis exigat, vt
hactenus, pecuniariā: sed pœnitentiam cano-
nicam & publicam, quantū eius fieri potest,
imponat: sic videlicet, vt peccatū humiliter
agnoscētibus, veniamq; petētibus, & pollicen-
tibus emendationē, pœnitentiā salutarem in
ædificationē aliorū, ad certū tempus, pro ma-
gnitudine delicti, imponat. Contumaces verò
& manifesta sua crimina agnoscere, & pœni-
tentiam suscipere recusantes, si Clerici sint, à
ministerio & beneficio remoueat, aut etiam
pro criminis magnitudine excōmunicet. Lai-
cos extra cōmunionem sacramentorū & con-
fortiū hominum locet, ab omnibus vitandos,
donec ad cor reuertātur, & crimina sua agno-
scentes, pœnitentiæ remedia suscipiant.

Postea Visitator oēs in vniuersum moneat,
vt nō solū qui publicè peccarūt, sed etiā quo-
rū conscientia occulto peccatorū reatu tenen-
tur obstrictæ, ipsi aut eis, quos in comitatu so-
cios & cooperatores habet, priuatim cōfitean-
tur, vt potestate à Deo Episcopis data, absolui
à vinculis suis mereantur, & secretius pœni-
tentia saluari imposita fatisfacere.

Ad hanc formā visitent quoq; & inquirāt,
ac pœnitentiam iniungant Archidiaconi & De-
cani rurales in suis regiūculis. Grauiora verò,
& quæ per ipsos emenduri nequeunt, refe-

& particulares sunt synodi, synodo maiori subiectæ, & secundū eius iudiciū dirigendæ.

¶ De Synodis.

Salus ecclesiæ, terror hostium eius, & fidei catholicæ stabilimentum sunt synodi, in quibus potissimum eminet Episcopalis apicis authoritas. Quapropter apostoli, & post apostolos magna illa Concilia, Chalcedonense & Lateranense statuerunt, vt Episcoporum com provincialiū synodus quotannis bis celebraretur. Quod cū in Germanijs propter prouinciarū latitudinē fieri sit difficile, saltem diœcesanam synodum bis quotannis celebrare est necesse, in qua Archidiaconis, Abbatibus, Prælati, Decanis, presbyteris, parochis, & clero suo Episcopus synodi caput præsideat: quē à synodo abesse non licet, nisi insuperabilis impotentia adimat ei facultatem. Concilium verò prouinciale statuerunt patres Concilij Basiliensis, ad minus de triennio in triennium debere celebrari.

Primo synodi die præsentibus quī ei intererūt, inuocetur spiritus sanctus. Deinde Episcopus aut alius quispiā, cui ille hoc negotij imposuerit, adhortetur oēs ad promouendū studiū pietatis, & ecclesiasticā disciplinā, ac correptionē viciōrū emergentiū. Post exhortationē legantur nouissimi Concilij generalis vel prouincialis nondū publicata decreta.

Deinde, eiectis ad publicationē Synodi vsq; laicis, & Clericis minorū ordinū, & eis quī ad
se

secreta Synodi cōcilia nō pertinet, intromissis illis tantū, qui in cōfessum Synodale recipiuntur: & Sacerdotibus ac dignioribus ē Clero causam Episcopus exponat, aut alteri exponendā imponat, ob quam Synodus coacta sit, iubeatq; singulos per iuramentū, Notarijs qui omnia excipiant, assidentibus, proferre in medium, ecclesiarum suarum, Prælatorum quoq; & populi, siue præsentium, siue absentium vicia graua, quæ à Synodo corrigantur absq; vlllo personæ respectu: si sit Pastor aliquis nō legitimus, aut per vim intrusus, si negligēs officij, & incorrigibilis, si in Clero quis Simoniacus, si hæreses suppullulent, si in officio diuino irrepant abusus, si Prælati aut Parochi bene præsidēti rebelles sint inferiores, si vlli male præsideant, si per tyrannidē potentiorū aut iudicia iniusta opprimatur Ecclesia, populus, viduæ, vel orphani, si sacrilegia cōmittantur, si violentur Ecclesiæ iura, si vlurarij sint in Clero vel populo, si incestuosi, si enormia crimina admittantur, à quibus nolint desistere, aut agere pœnitentiam.

Audiantur quoque appellationes eorum, qui ad Synodum prouocarunt, & absentium legantur epistolæ. Deniq; & laicis fiat potestas, suas querelas, modò res Ecclesiasticas concernant, aut ad iudicium Synodi pertineant,

tantum sessione, aut die vno, sed tribus quatuorve, aut quinq;, donec fuerit Synodus de causis sufficienter informata.

Perceptis viciis & querelis, consultandum inter Synodales cōmuniter & priuatim, qua ratione arbitrentur audita incommoda emendari posse, & tolli: ad quæ Consilia etiā Theologi & Iurisperiti, si res postulat, adhibeantur. Et nemo discedat, donec causæ omnes finiantur, dimittaturq; Synodus.

Vbi de executione eorum, quæ Synodi pars potior probabit fuerit constitutum, pulsatis campanis ad publicationem admittantur omnes, renouenturque canones ad correctionem viciorum, de quibus tractatum fuit, & eorum extirpationem valentes, aut etiam noui pro disciplinæ Ecclesiasticæ & pietatis restitutione condantur. Si quid non finiatur, reiciatur ad Synodum prouincialem, illic discutiendum & definiendū: rogeturq; Metropolitanus, vt quamprimum fieri conueniet, concilium prouinciale indicat.

Peractis omnibus, cantetur Te Deum laudamus, dimittaturq; Clerus & populus cum benedictione Episcopali.

¶ De Excommunicatione.

CVM excommunicandi potestas in hoc à Christo Ecclesiæ tradita sit, vt impii, scelerati, contumaces, rebelles, & incorrigibiles, ab ecclesia, à Sacramentis, & communionem fidelium pellantur, tradanturq; sa-
tha

thanæ in interitum carnis, donec suffusi pudore resipiscant, & abnegata impietate, digna pœnitentia pro flagitijs suis Ecclesiæ satisfacciant, eiusque se iudicio submittant: summo-
pere Christianis veris metuenda est, nec leuiter in aliquem stringenda.

Cauebit ergo Iudex, ne ob alias causas q̃ criminales, easq; valde graues ac læthales, magno cum iudicio diuinâ hanc censuram, quæ nulla est maior in Ecclesia, proferat, in eos qui aliter corrigi non possunt: sic tamen vt feriendo magis sanet, quàm vt prorsus interimat, atque vt spiritus saluetur in diē Domini. In causis verò merè ciuilibus, iuris ciuilis dispositiones obseruentur.

Excommunicati, secundum Sacros Canones & scripturas, sub grauis reatus incursu ab omnibus vitari debent, & à nemine recipi in consortium vel familiaritatem: Nec antè ad Sacramenta & communionem fidelium admitti aut absolui, quàm pœnitentia ducti veniam supplices postulent, spondeantq; emendationem: & non modò Ecclesiæ dignâ

pœnitentiâ pro perpetratis sceleribus,

secundum Sacerdotis iudicium satisfacciant, ve-

rùm etiam illis qui-

bus iniuriam

1. The first part of the book
contains a general account
of the history of the
country from the first
settlement to the present
time.

2. The second part
contains a description
of the country, its
climate, soil, and
productions, and a
history of the
settlements.

3. The third part
contains a description
of the country, its
climate, soil, and
productions, and a
history of the
settlements.

4. The fourth part
contains a description
of the country, its
climate, soil, and
productions, and a
history of the
settlements.

5. The fifth part
contains a description
of the country, its
climate, soil, and
productions, and a
history of the
settlements.